

MELKISEDEKE ENWA KE MANG?

 Ha re inamiseng dihlooho tsa rona bakeng sa thapelo.

Ntata rona ya Lehodimong ya Ratehang, re utlwa thoko ena ya *Dumela Feela*, e re tsebisa hore ke phetho seo re lokelang ho se etsa ho rua efe feelsa ya ditshepiso tsa Modimo, ho di dumela feelsa. Hoba ho ngodilwe, “Dintho tshole di etsetswa ba dumelang.” Re sa ntse re lla, jwaleka monna ya neng a na le ngwana ya jewang ke sethwathwa, “Morena, kea dumela! Thusa ho se dumele ha ka.”

² Re O leboha ka matla a Hao a maholo, tshenolo e kgolo ya boWena ba Hao ka sebele ho rona matsatsing lena la qetelo. E a thabisa mme e nyakallisa pelo tsa rona haholo, ho tseba hore re kopane le Modimo o phelang; O e netefatsang hape nameng, dipontsho tse kgodisang tsa disebediswa, jwaleka ha A entse matsatsing a fetileng, le jwale ka ha A tshepisitse bakeng sa tsatsi lena. Re motlotlo haholo ho Wena, Modimo wa rona. Tsatsi le lefifi lena moo e kang ha ho motho ya tsebang tsela eo ho ka uwang ka yona, re thabetse haholo ho fumana setsha sa polokeho, setshabelo.

³ Jwale re hlohonolofatse bosiung bona, Morena, re sa bua ka Lentswa la Hao. Le ditshepiso tseo re di filweng, re ke re di hodise dipelong tsa rona, ho di sireletska ka tshabo, le ho di utlwa ka tayo ya borapedi. Hoba re e kopa Lebitsong la Jesu. Amen.

⁴ [Motho e mong o bua le Moena Branham—Mong.] Monehelo wa lerato? Ha ba lokela—ba ne ba sa lokela hore ba be ba entse hoo. Ke mang ya entseng hoo? O molato? Ke ne ke se ke batla manejara. O itse o mphuthetse monehelo wa lerato. O na sa tshwanela ho etsa hoo. Ke a o ananela, Modimo o tseba hoo, empa ha ke—ke a tlela hoo. Ke a le leboha. Morena a ke a le hlohonolofatse. Ke tla etsa ntho e nngwe le e nngwe eo nka e kgonang. Ke o kenyé borumuweng ba dinaha disele, ke tle ke tsebe hore o tswela Mmuso wa Modimo. Mme ha Morena a rata, ke tla inkela, wona, ho ya mafatsheng kwana, ho tlisa yona Evangeli eo e sa le le dula tlasa yona, ho e mamela bekeng ena, jwale ke tla tseba hore e tla etswa kamoo le E dumetseng. Morena o nthuse ho etsa hoo.

⁵ Ke motlotlo haholo ka ketelo e kgolo bekeng ena, le ka lona batho ba hokanntsweng hape bosiung ka—ka dithapo tsa mohala. Mme re motlotlo ho e mong le e mong wa lona.

⁶ Billy o ile a re ho nna hoseng hona, a re, “Ntate, holane wa tla le nna hoseng hona, mesong, hantle ka mora hoba tsatsi le tjhabé, mme wa ema ka ntle dinqalong tsena mme wa bona bomme ba nyantsha masea a bona ka koloing, batho bao ba

batho ba dutse puleng eo, ba emetse ho bulwa ha menyako!” Le a bona ke ne tla be ke le moikaketsi e mokakang hola ke sa le bolelle Nnete yohle? Ruri ke ne ke tla be ke le motho e mobe. Ka dinako tse ding ke loketse ho thonkga, empa ha se ka hobane ke batla, ke kahobane... Ha se nna ya thonkgang. Ke Nnete e thonkgang. Mme ke—ke... Empa ke dumela hore ke wona morero oo le o tlelang, hobane ke tshephahetse ruri ho lona, le ho etsa sohle seo nka se kgonang ho le thusa. Morena a thusue e mong le e mong wa lona.

⁷ Mme jwale ke batla ho leboha batho ka baka la tshebedisano ya bona e ntle, batho ba motseng mona, hape, ba re fileng, ba re dumeletseng ho hira phaposi ena ya sekolo, odotoriamo ena le jimi. Mme ke batla ho leboha baokamedi ha le le teng mona. Mme hape ke batla ho leboha Houston Colvin, ya sebetsanang le mabone mona, ka tshebedisano-mmoho ya hae e ntle ka ho re thusa ho fumana ntho ena le ho ba le rona bosiu bo bong le bo bong.

⁸ Re leboha sepolesa sa Jeffersonville ka ho nyolohela kwano mona le ho sheba, ka ditjeho tse tlase haholo. Ke nahana didolara tse ka bang pedi ka hora, tseo sepolesa se beilweng mona mosebetsing o ikgethileng ka tsona, ho emisa makoloi, ho bona hore ho ne ho se...ha ho letho le etsahalang, le hore ntho e nngwe le e nngwe e ne e itoketse. Re motlotlo ho batho ka hoo. Le ho—ho, hape, enjenere e le-lekgotleng mona, ke ile ka mmona. Le bohole ba amanang le hona, re le leboha haholo ruri.

⁹ Ke leboha e mong le e mong wa lona ka baka la dimpho. Billy o sa tswa ntlisetsa, thapameng ena, e—e neo, tse mmalwa tsa tsona, le mabokose, dipompong, le ntho tse jwalo. Mme e nngwe ya tsona e ne e le e—e Mahlohonolo, e nang le setshwantsho sa Kreste se kentsweng ho sona—ho sona, Thuto ya Thabeng. Mme se ne se le setle haholo. Ruri kea le leboha. Le dintho tse ngata hakana, ha ke tsebe ke le lebohe jwang ka tsona. Mme hape, hape, ka e—e tshehetso ya lona, ho lefella kopano, re ananela seo ruri, ka pelo yohle ya rona. Morena a hlohonolofatse e mong le e mong wa lona, haholo.

¹⁰ Billy o boletse, hore ho no ho na le batho ba bangata, le ne le ntse le kopa dipuisano tse ikgethileng nakong eo. Mme bongata bo bile bo kopile mme ba ne ba nkile maseanyana a hlohonolofatwang. Oh, kamoo ke batlang ho etsa hoo!

Empa, le a bona, ha ke e tla kgetlong lena, e be e le taba e potlakileng haholo. Ke loketse ho dula hantle, ka dinako tsohle, palong, Lentsweng lena le thapeleng, molemong wa ho tlisa Melaetsa ena. Le a bona, ha e... E—e bohlokwa-hlokwa ho rona, hoba ke ho fumana thato ya Modimo le ho bua dintho tsena hape. Mme tseo tsohle di tshwanetse ho kopana mmoho, le ho kopa Modimo hore ke bule ofe.

¹¹ Jwale, ha Morena a rata, re tla boela re kgutla kapele, hang feela ha re ka fumana letsatsi. Ke ile ka nka e—e kgato, kapa—kapa ka bua ho hong ka Paseka. Ke mpe ke hlahlobe taba eo, hoba ke nahana ke na le ditlhophiso California nakong e kang yona eo. Ka hona mohlomong e fosahetse. Leha ho le jwalo, mohla re kgutlelang tabernakeleng, re tla le romella setlankana, mme kereke, mme—mme re tla le tsebisa letsatsi le nako. Jwale ke tla etsa jwalo, mohlang oo, hape...

¹² Ha ke eso bee nako ya letho ho rapella bakudi. Ha re e—so be le tshebeletso le e nngwe moo re tlisitseng batho mme ra ba rapella. Re ne ntse re ba romela ntle. Mme baena ba rona mona ba ne ba ntse ba rera, Moena Lee Vayle le Moena... Baena bana ba bang ba ntse ba rera, mme ba rapella bakudi, le ho kolobetsa ka metsi, ho kolobetsa, ke rialo, mme ba ntlohellie Lentswe feela. Re leboha banna bana. Ba entse mosebetsi o kgabane.

¹³ Ho na le metswalle e mengata mona eo ke batlang ho kopana le yona. Kea sheba mme ke bona John le Earl. Mme Ngaka Lee Vayle ke eo, e mong wa dimanejara tsa letsholo lena. Moena Roy Borders. Banna bao, ebile ha ke eso fumane... Le matsoho a bona ha ke eso a tsukutle. Ha kea fumana monyetla wa ho etsa hoo. Ke nahana ka metswalle yaka e tswang Kentucky, le mathokong mona, le metswalle ya baruti, kamoo nka ratang ho tsukutla letsoho la bona! Moena Blair, ke mmone mona tsatsi le leng. Le bongata ba banna bao ke—ke ba ratang, mme ba etetse dikopano tse mmalwa, mme esita le ho tsukutla letsoho la bona feela ha ke e so kgone. Ke—ke leka... Ha se hoba ke sa batla ho etsa hoo; ke ka hobane ke se na nako ya ho e etsa, mme ke potlakile feela.

¹⁴ Ho hlohonolofatsa masea, ehlile. Mora ka ka sebele, setloholo se ne se loketse ho hlohonolofatswa kopanong ena. Ha kea fumana nako ya ho e fetisa; David e monyenyanne. Ke se ke le ntatemoholo, habedi jwale. Ka hona, Mong. May, haeba a le teng phirimaneng ena, ya mphileng molangwana oo, ekare ke tla o sebedisa kapele ruri.

¹⁵ Ka hona, mme ka re ho Billy, ke ile ka re, "Ruri Bibebe e itse re ngatafale re tlale lefatshe, empa morwalo wohle o no sa fuwa wena o nnotshi." Mme ditloholwana tsena di hlaha kapele.

Mme ka hona, le hopole, ngwetsi yaka e ne e hloka thari, le ho qala feela. E sa fumane bana. Mme ka tsatsi le leng, ha ke tswa tshebeletsong, Morena o ile a bua le nna ka ho re, "Loyce, o tla tswala mora. Morena o hlohonolofaditse. Bothata ba hao ba bosadi bo fedile." Paul e monyenyanne o ile a hlaha, dikgwedi tse robong hamorao.

¹⁶ Dikgwedi tse pedi pele lesea lena le fihla, ke ne ke dutse, ke ja borakefese hoseng ho hong, tafoleng, mme Loyce le Billy ba ne ba dutse ka nqane ho tafole ho nna. Mme ka bona Loyce

a fepa ngwana ka ntho e pinki...kapa kojwana e bolou e mo thatetseng. Mme Billy o na dutse khoneng, a fepa Paul e monyenyanne. Ka re, "Billy, ke sa tswa bona pono. Loyce o ne a fepa lesea le phuthetsweng ka kojwana e boputswa ba lehodimo."

A re, "Ho fedile ka leeto la ka la ho tsoma. Ke dikgwedi tse robong hantle ho tloha jwale."

Dikgwedi tse leshome le motso o mong hamorao, David e monyenyanne a hlaha. Mme le jwale ha ke eso kgone ho mo hlohonolofatsa ho Morena, mme nke ke ka kgonna ho fihlela re kgutla hape. Ka hona le bona seo e leng sona.

¹⁷ Kamoo ke ratang batho le kopano ya bona! Empa baena ba rona ba ne ba ntse ba rapella bakudi, mme kea tseba ke katileho. Bosiu bo bong le bo bong re ne re rapella bakudi, e mong a bea matsoho a hae hodima e mong, rona bohole mmoho, mme jwalo e tjhabisa pono yohle. Empa mohlomong, ha Modimo o rata...ke tla tshwaya taba eo setlankaneng, ha re ka se romela. Ha ke kgutla, ke rata ho kgethela matsatsi a mabedi kapa a mararo, hape, ho rapella bakudi feela le ho etsa seo re ka se kgonang feela mokgweng oo. Jwale, mme ke leboha batho ka thuso ya bona, hape.

¹⁸ Jwale ke batla feela ho sekaseka, motsotsotso feela, ka—ka Molaetsa wa hoseng hona. Ntle le pelaelo, ha kea o qetella ka bottlalo, empa ke kgolwa ha le utlwisia. Ke tiile hore le ne le sa...Le ke ke la tseba hore ho etsa jwalo ho no ho bolelang ho nna.

¹⁹ Jwale, eka ntho e nyenyanne ho lona. Empa, lona, le bona seo le se etsang? O nka sebaka sa Modimo, ho hlahisa Ntho e nngwe. Mme pele nka etsa hoo, e ne e loketse ho ba karabo e tswang ho Modimo. Mme O ne a loketse ho theoha, mme O hlahile pontsheng ka boYena, mme a ntsha Tshenolo. Ka baka leo, le a bona, taba ena e lebisitswe Kerekeng. Mme le hopole, ke itse, "Dintho tsena, sena seo ke se boletseng, se be se lebisitswe ho Kereke feela."

²⁰ Mme jwale hore le tle le be le tshepo le ho tseba, e ne e le wona Modimo o mpoleletseng hodimo mane moo ho nong ho se sehlora. "Bua, mme o bolele moo di tla ba teng." Mme ya etsahala makgetlo a mararo ka ho otloloha. Jwale, efela ha A kgonna ho bopa ntho e siyo ka lentswe lona leo, ke hakakang taba Ena e tla tiya ka Letsatsi la Kahlolo! Le a bona? Ho bile le batho ba bonang dintho tsena, le ho tseba. Jwale ka ha Paulose a boletse, matsatsing a fetileng. Monna o ne a le teng haufi le yena, ya—ya utlwileng lefatshe le reketla; mme a sa utlwa lentswe, empa ba—ba bone yona—yona Topallo ya Mollo.

²¹ Ke ikutlwile hamonate, leha ho le jwalo, hoba e fete; ho bona banna le basadi, bao ke tsebang hore ke Bakreste ba makgonthe, ba kopolana mme ba lla.

²² Mme le utlwe, metswalle, Modimo o thasiseletsa Lentswe la Wona ka dipontsho le dinetefatso, ho kgodisa hore Le nepahetse, Lentswe le builweng. Jwale hopolang, Lesedi leo le neng le le Lerung, le faneng ka Tshenolo. Ke ne ke...

Ngwanyana waka o na ntsa mpolella, Sara mona, hore eitse ha... Sekolo seo tlase mono Arizona se ne se shebile lehodimong le se nang leri, mme ba bona Leri lena ka mokgwa o mohlolohodima thaba eo, le ya hodimo-le-tlase, Mollo o mosehla o tuka ho Lona. Mosuwe a ntsha ditlelase le sekolo, mme a ba ntsha, a re, "Na le kile la bona ntho e kang eo? Bonang kamoo le leng kateng mono."

Hopolang, ke lona Lesedi le lesehla le hodima lefika. Ka baka leo e sa le wona Modimo oo, Tshenolo yona eo, ha thwe, "Ba bolelle ho etsa *sena*." Ke seo ke le boleletseng sona hoseng hona, ka hona ke eo moo E leng teng.

²³ Haekaba motswalle wa ka ya lokileng, Moena Roy Roberson, a mametse Tucson. Roy, o sa hopola, tsatsi le leng, pono eo o no e bona mohla re ne re eme ka ntle hodima thaba? O ile wa tla ho nna, mme Leri leo le le ka hodimo? Wa tla o theoha, o tseba seo A ileng a o bolella sona; mme ka o bolella tlung eo, tsatsi le leng? Ke yona, Roy. O se hhole o kgathatseha, mora. Ho fedile.

²⁴ Le mpa le sa tsebe hore hoo ho bolela'ng! Ke mohau. O a le rata. Mme le Mo rate, Mo sebeletseng ka boikokobetsos mme le Mo rapele matsatsi wohle a bophelo ba lona. Thabang, eyang le phele kamoo le leng kateng. Ha le thabile, le tswele pele ka mokgwa oo. Le se hhole le etsa ntho e phoso hape, e kang eo. Tswelang pele feela. Ke mohau wa Modimo.

²⁵ Jwale ke batla ho rapela hape pele re kena Lentsweng. Ke ba bakae ba tla nthapella? Ke tloha feela kopanong ho ya kopanong. Na le tla rapela?

Le a tseba, ke rata ho le binela thokonyana, rona bohole mmoho, pele re fetela Lentsweng. Feelah o... re tle re tsebe Modimo... Boineelo bo bo nyenyane feela. Na le kile la utlwathokonyana ee, *O A Le Tsotella?* "Tsatsing le tjhabileng le maswabing, O a le tsotella."

²⁶ Mofumahatsana o ka tla pianong. Kgele, ke rata ho leboha mofumahatsana enwa, le yena. Ke ne ke sa tsebe le hore e ne e le mang. Ke moradi wa e mong wa batikone mona. Ruri ke... Ngwananyana wa Moena Beeler. O se a hodile jwale. E ne e le mothwana ya na dutse mangoleng a ka, nakong e seng kaalo e fetileng, mme jwale ke mosajana e motjha. Ka hona ruri ke mo leboha ha e le mona a sebedisitse talenta ya hae mminong, mme jwale o letsah monate. Na o ka re fa lehlaso, kgaitseki? Rona bohole mmoho jwale.

O a le tsotella,
 O a le tsotella;
 Letsatsing kapa botshong,
 O a le tsotella.

Le a e rata? A re e bineng hape, bohle mmoho.

O a le tsotella,
 O a le tsotella;
 Letsatsing kapa botshong,
 O a le tsotella.

Moena Dauch, O a o tsotella, le wena, moena. Ha le Mo rate? [Phutheho e re, “Amen.”—Mong.]

Ha re inamiseng dihlooho tsa rona jwale.

²⁷ Modimo o Ratehang Ramehauhelo, ka sekgetjhana sena mona sa dinthwana tse mmalwa ho borella batho, le ho boela ke lebisa hoseng hona hape, hoba ke seo batho ba tlileng ho se utlwa. Kea rapela, Modimo, hore O tle o dumelle batho ho bona hore Modimo o lerato o bile o a tsotella. Mme e ne e se nna ya ntshitseng Hono, Morena, e netefaditswe hore e ne e le Nnete. Ka baka leo ke a rapela, Modimo o Ratehang, hore lerato la Hao le tle dule hara batho. Bosiung bona, re loketse ho arohana ka mora kopano ena mme re ye malapeng a rona a fapaneng, e—e batla e re hula, ba bang, ka ho teba, Morena. Ke rapella hore O tle o hlohonolofatse batho bana.

²⁸ Jwale re sa atamela Lentswe, thapelang, le ho atamela Lentswe le ngodilweng, re kopa O tle o nke Lentswe lena le ngodilweng mme o Le phedisetse rona phirimaneng ena. Mme etlere ha re tswa mohahong ona phirimaneng ena ho arohana ho ya malapeng a fapaneng, re tle re bue jwale ka bao ba tswang Emmause, ba neng ba tsamaile le Yena letsatsi lohle mme ba sa ka ba Mo tseba le hona; empa eitse ha A ba kenya ka hara phaposi bosiusng boo, le menyako e kwetswe, A etsa ntho e tshwanang le eo A e entseng pele ho thakgiso ya Hae. Ba tseba ka hono, hore O tshohile hape.

Etsa hoo hape bosiusng bona, Morena. Fana ka sena, mamati a sa kwetswe, mme sehlotschwana sa Hao se sa dutse mona, se lebeletse. Mme, Ntate, ha re ya malapeng a rona, re tle re bue jwale ka ha ba buile, “Na dipelo tsa rona di ne di sa tjhese ke eng ka ho rona ha A ntse a bua le rona tseleng!” Re a ineela, le tsohle, matsohong a hao, Morena. Sebetsa ka rona ka moo O bonang ho tshwanela. Lebitsong la Jesu. Amen.

²⁹ Jwale a re keneng hantle tshebeletsong jwale, ka potlako. Le ntse le phetla le nna jwale, ha le rata, Bukeng ya Baheberu, homme ke tshenolo e nngwe Molaetseng. Re tla bua metsotso e mmalwa bosiusng bona, ha Morena a rata. Mme re sa bala ditemana tsa pele tse tharo tsa Baheberu 7:1 ho fihla ho 3, le ho bua ho hong mabapi le hona. Mme ha re tsebe seo Morena a

tlá se etsa; ha re tsebe. Ntho feela eo re e etsang ke ho dumela feela, ho lebela, ho rapela. Ho jwalo? Le ho dumela hore “O tlá etsa dintho tsohle di sebetse molemo ho ba Mo ratang,” hoba O tshepisitse jwalo.

Ke Melkisedeke eo, morena wa Saleme, le moprista wa Modimo o moholo-holo, ya neng a ye ho kgahlanyetsa Abrahama, mohla a neng a sa tswa qhalanya marena, a ba a mo hlohonolofatsa;

Ke yena eo Abrahama a bileng a mo abela karolo ya leshome ya tsohle; eo mabitso a hae ha a fetolwa la pele le reng Morena wa ho loka, la bobedi le re Morena wa Saleme, e leng ho re Morena wa kgotso;

Ha re balleng pejana.

Ya se nang ntatae, le mmae, ya se nang leloko, . . . le galeho ya ditshiu, kapa qetello ya bophelo; e mpa e le ya entsweng ya tshwanang le Mor'a Modimo; e ya nne e sa le e le moprista ka ho sa feleng.

³⁰ Nahanang ka Motho a moholo enwa, hore Monna enwa o tshwanetse a be a le moholo ha kakang! Mme jwale, potso ke ena, “Monna enwa ke mang?” Baithuti ba thutamodimo ba bile le mehopolo e arohaneng. Empa haesale ho manollwa Ditiiso tse Supileng, Buka e mohlolo e nnileng ya re hlolla. . . Ho latela Ditshenolo 10:1 ho ya ho 7, diphiri tsohle tse ngodilweng Bukeng ena, tseo e sa le di patwa mongwaheng wa bahlabolli, di loketse ho hlakiswa ke lengeloi la mongwaha wa kereke ya ho qetela. Ke ba bakae ba tsebang hore hono ho lokile? [Phutheho e re, “Amen.”—Mong.] Ke hantle, di loketse ho hlahiswa. Diphiri tsohle tsa Buka e mohlolo di tla senolelwaa moromuwa wa Laodisea wa mongwaha oo.

³¹ Ereka ha ho ena le kgang e kana ka Motho enwa le temana ena, ke nahana hore eka kgona re qhaqholle re kene ho yona, ho fumana hore Enwa ke mang. Jwale, ho na le mehopolo e fapaneng ya thuto ka Yena.

Se seng sa dikolo se re, se bolela ho re, “Ke kgopololo-taba feela. Hantle-ntle e ne e se motho.”

Mme ba bang ba bolela, ho re, “E ne e le boprista. E ne e le boprista ba Melkisedeke.” Ke o atametseng haholo, o tiyang lehlakoreng leo ho feta le leng, ke ka hobane ba re e ne e le boprista.

E ke ke ya ba ntho eo, hoba temaneng ya 4 E re E ne e le Motho, “Monna.” Ka baka leo, hore e tle e be Motho, O lokela ho rua botho bo ikgethileng, “Monna.” E seng lenaneo; empa Motho! Ka baka leo e ne e se lenaneo la boprista feela, le jwalo E ne e se kgopololo-taba. E ne e le Motho.

³² Mme Motho enwa o hlola ka ho sa Feleng. Ha le ka lemoha, “A se na ntatae. A se na mmae. A se na galeho ya

nako eo A qadileng ka yona. Mme A sena nako eo A qetellang ka yona.” Mme e leng hore E ne e le mang o sa ntse a phela bosiung bona, hobane Bibele e boletse mona, hore, “O ne a se na ntatae, leha e le mmae, qaleho ya ditshiu, kapa pheletso ya bophelo” Ka hona E tla lokela e be e le Motho ya hlolang ka ho sa Feleng. Na ho jwalo? [Phutheho e re, “Amen.”—Mong.] Motho ya hlolang ka ho sa Feleng! Ka hona e ne e ka ba Motho a le mong feela, ke Modimo, hoba ke Yena a le Mong ya hlolang ka ho sa Feleng. Modimo!

³³ Jwale, ho Timothea wa Pele 6:15 le 16, ha le rata ho bala hono ka nako e nngwe, ke rata hore le e bale.

Jwale, ntho eo ke e tsekellang, ke hore, E ne e le Modimo, hoba Ke yena feela Motho ya ke keng a buswa ke lefu. Mme jwale, Modimo o Iphetolela Mothong; ke seo A neng a le sona, “Ya se nang ntate, ya se nang mme, ya se nang qaleho ya bophelo, ya se nang pheletso ya matsatsi.”

³⁴ Jwale re fumana Lengolong hore batho ba bangata ba ruta taba eo, “boraro bo ikgethileng BoModimong.” Ka hona, o ke ke wa ba le botho bo ikgethileng o se motho. Ho nka motho ho etsa botho bo ikgethileng.

Moruti wa Baptise, dibeke tse mmalwa tse fetileng, o na tle, le tlung ha ka, mme a re, “Ke rata ho o otolla BoModimong ka tsatsi le leng ha o na le nako.” A ntetsetsa, ke rialo.

³⁵ Ka re, “Ke na le nako hantle hona jwale, hoba ke batla ho tsepama, a re beelle ntho e nngwe le e nngwe ka thoko, ho e etsa.”

Yaba o a tla, a re, “Moena Branham, o ruta hore ho na le Modimo o le mong feela.”

Ka re, “E, monghadi.”

A re, “Hantle,” a re, “ke dumela hore ho na le Modimo o le mong, empa Modimo o le mong ka Batho ba bararo.”

Ka re, “Benghadi, phethang taba eo hape.”

A re, “Modimo o le mong, ka Batho ba bararo.”

³⁶ Ka re, “O kene sekolo kae?” Le a bona? Mme a mpolella e—e kholeshe ya Bibele. Ka re, “Nka dumela. O ke se be motho o se na botho bo ikgethileng. Mme ha eba o ena le botho bo ikgethileng, o motho a le mong ka bowena ba hao. O motho ya arohileng, ka bomong.”

A re, “Hantle, baithuti ba thutabomodimo ha ba kgone ho e hhalosa.”

Ka re, “E tlide ka tshenolo.”

Yaba o re, “Nke ke ka amohela tshenolo.”

³⁷ Ka re, “Etblaba ha ho kamoo Modimo a ka o fihlelang, hobane, ‘E patetswe mahlo a ba bohlale le ba masene, le ho

senolelwa masea,’ ho senolwa, tshenolo, ‘ho senolelwa masea a tla e amohera, ho ithuta.’” Mme ka re, “Ha ho kamoo Modimo a ka o fihlelang; o ikwallela Yena ka ntle.”

Bibele yohle ke tshenolo ya Modimo. Kereke yohle e hahilwe hodima tshenolo ya Modimo. Ha ho mokgwa o mong wa ho tseba Modimo, ke ka tshenolo feela. “Le eo Mora a mo senolelang Yena.” Tshenolo; ntho e nngwe le e nngwe ke tshenolo. Ka hona, ho amohe-...Ka ho se amohele tshenolo, eba o moithuti ya batang feela wa thutabomodimo, mme ha ho tshepo bakeng sa hao.

³⁸ Jwale, jwale, re fumana hore Motho enwa “o ne a se na ntate, a se na mme, a se na qaleho ya ditshiu kapa pheletso ya bophelo.” E ne e le Modimo, *en morphe*.

Jwale, lefatshe, lentswe leo le tswa, lentswe la Segerike, le bolelang, “fetola,” le sebedisitswe. Ho Iphetola, *en morphe*, ho tloha mothong e mong ho ya...Mothong e mong; lentswe la Segerike mono, *en morphe*, le bolela...Le qotsitswe tshwatshisong ya kalana, ke hore motho e mong o fetola lesira la hae, ho mo etsa sebapadi se seng.

³⁹ Jwale ka—ka sekolong, haufi, ke a kgolwa, Rebeka, pele a apeswa, ba ne ba tshwere tshwantshiso ya Shakespeare. Mme mohlankana e mong o ne a loketse ho fetola diaparo tsa hae makgetlo a mmalwa, hoba a ne a bapala dikarolo tse pedi kapa tse tharo; empa, ke motho a le mong. O na tswa, ka nako e nngwe, e le motho e mobe; mme enere ha a tswa kgetlo le latelang, e le motho e mong. Mme jwale lentswe la Segerike *en morphe*, le bolela ho re, “o fetotse lesira la hae.”

⁴⁰ Mme ke seo Modimo o se entseng. E sa le Modimo oo ka dinako tsohle. Modimo ka sebopoho sa Ntate, e—e Moya, Topallo ya Mollo. Wona Modimo oo wa etswa nama mme wa aha hara rona, *en morphe*, a hlahiswa e le hore A tle a bonwe. Mme jwale wona Modimo oo ke Moya o Halalelang. Ntate, Mora, Halalelang...e seng Medimo e meraro; diofisi tse tharo, tshebetso tse tharo tsa Modimo o le mong.

⁴¹ Bibele e boletse ho re, “Modimo o mong,” ha ba bararo. Empa ke ka moo ba sa kang ba kgona...Le ke ke la tsepamisa taba ena mme la fumana Medimo e meraro. Le ke ke la rekisetse e Mojode. Nka le bolella taba eo. Ya tsebang, hantle, o tseba ho ena le Modimo o le mong feela.

⁴² Lemohang, jwale ka mmetlatshwantsho, o a pata, ka—ka lesira hodima sona. Ke seo Modimo o se entseng ho fihla mongwaheng wona. Esale se patilwe. Dintho tsena tsohle esale di patilwe, mme di loketse ho senolwa mongwaheng wona. Jwale, Bibele e re di tla senolwa matsatsing a morao. Ho jwaleka mmetlatshwantsho ya kwetlang sekotwana sa hae—sa hae sa mosebetsi se kgurumeditswa ho fihlela nako eo a tllosang lesira ho sona mme ke seo moo se leng teng.

Mme ke seo Bibele e neng e le sona. E ne e le mosebetsi wa Modimo o kgurumeditsweng. Mme e sa le E patwa ho tloha motheong wa lefatshe, mme E na le diphiri tsa mekgahlelo e supileng. Mme Modimo o tshepisitse tsatsing lena, mongwaheng wona wa kereke ya Laodisea, hore O tla tlosa lesira hodima ntho yohle mme re tla E bona. Ke ntho e tlotlehang ha kakang!

⁴³ Modimo, *en morphé*, a saretse Topallong ya Mollo. Modimo, *en morphé*, ka ho Monna ya bitswang Jesu. Modimo, *en morphé*, ka hara Kereke ya Hae. Modimo hodima rona, Modimo le rona, Modimo ka ho rona; ho theoha ha Modimo.

Hodimo Mono, kgalalelong, ho no ho se motho ya ka Mo amang, O ne a dula hodima thaba; mme esita le phoofolo e amang thaba, e ne e loketse ho shwa.

Mme yaba Modimo o a theoha mme a fetola tente ya Hae, mme a tla dula le rona, ho fetoha e mong wa rona. “Mme re Mo amme,” Bibele e boletse. Timothea wa Pele 3:16, “Ruri sephiri sa bomodimo se seholo; hoba Modimo o bonahetse nameng, a angwa ka matsoho.” Modimo o ja nama. Modimo wa nwa metsi. Modimo wa robala. Modimo wa lla. E ne e le e mong wa rona. Ka bokgabane, e tshwantshitswe Bibeleng!

E ne e le Modimo hodima rona; Modimo le rona; jwale ke Modimo ka ho rona, Moya o Halalelang. E seng Motho wa boraro; Motho yena eo!

⁴⁴ Modimo o ne a theohe mme a fetoha nama, mme a shwa lefu, ka ho Kreste; hore A tle a hlwekise Kereke, a tle a kene ka ho yona, ho thea setswalle. Modimo o rata setswalle. O entse motho ka morero oo kgetlo la pele, e ne e le bakeng sa setswalle; Modimo o dula a nnotshi, le Dikerubime.

⁴⁵ Mme lemohang jwale, O entse motho, mme motho a wa. Ka hona A theoha mme a lopolla motho, hoba Modimo o rata ho kgumamelwa. Lona lentswe *modimo* le bolela “tlotla e rapelwang.”

Mme ntho ena e kenang hara rona, jwaleka Topallo ya Mollo, jwaleka ntho e fetolang dipelo tsa rona, ke wona Modimo o itseng, “Lesedi le be teng,” mme lesedi la eba teng. E sa le Yena maobane, kajeno, le ka ho sa feleng.

⁴⁶ Jwale, tshimolohong Modimo o no o dula o nnotshi, le bokgethi ba Wona, jwaloka ha ke buile ka bona hoseng hona. Ke mehopolo ya Wona. Ho no ho se letho, Modimo o nnotshi feela, empa O ena le mehopolo.

Jwalo feela ka seahi se seholo se ka dulang fatshe, kelellong ya hae, mme a rale seo a nahananang hore ke sona seo a tla se—se haha. Ho bopa, jwale, a ke ke a bopa. A ka nka ntho e nngwe e hlodilweng mme a e fe sebopheho se fapaneng; hoba Modimo ke wona feela mokgwa...ke Yena feela ya ka

bopang. Empa o fihlelwa ke seo a tla se etsa kelellong, mme oo ke mohopoloo wa hae, ke ditakatso tsa hae tseo. Jwale ke mehopolo, mme a nto e bua, mme ebe ke lenseswe he. Mme e—e lenseswe ke...

⁴⁷ Mohopoloo, ha o hlahiswa, ke lenseswe. Mohopoloo o hlahiswang ke lenseswe, empa eka kgona e be mohopoloo pele. Ka baka leo, ke bokgethi ba Modimo; ke mohopoloo nakong eo, e nto ba lenseswe.

⁴⁸ Lemohang. Bao ba ruileng, bosiusing bona, Bophelo bo sa Feleng, ba ne ba le ho Wona le ka ho Wona, monahanong wa Wona, le pele Lengeloi le e ba teng, naledi, Kerubime, kapa ntho efe feela e sele. Ntho e leng teng ka ho sa Feleng. Mme ha o ena le Bophelo bo sa Feleng, esale o le teng. E seng botho ba hao mona, empa sebopheho le tshobotsi eo Modimo o se nang bofelo...

⁴⁹ Mme ha O ena le phello; E tla be e se Modimo. Modimo o loketse ho hloka phello. Re na le phello; Wona o hloka phello. Mme E ne e le motlala-hohle, ke motseba-tsohle, mme e le ya matlawohle. Ha O se jwalo; jwale E ke ke ya ba Modimo. O tseba dintho tsohle, dibaka tsohle, ka baka la ho tlala-hohle ha Wona. Ho ba motseba-tsohle ho Mmeha ya hohle. Ke Boleng ['Being'—Moft.]; ha A tshwane le moyo. Ke Boleng; O dula kahara ntlo. Empa ka ho ba motseba-tsohle, ho tseba dintho tsohle, ho Mo etsa motlala-hohle, hoba O tseba ntho e nngwe le e nngwe e etsahalang.

Ho ke ke ha ba letsetse le panyang A sa tseba hono. Mme O e tsebile le pele lefatshe le eba teng, hore le ne le tla tabatabanya mahlo a lona hakae, le hore ke tshotso e kae e neng e tla ba ka ho lona, pele le lefatshe le eba teng. Ke ho hloka-phello hoo. Re ke ke ra kgona ho e utlwisia dikelellong tsa rona, empa ke Modimo oo. Modimo, ho hloka-phello!

⁵⁰ Mme hopolang, lona, mahlo a lona, seemo sa hao, sohle seo o bileng sona, o no o le monahanong wa Wona tshimolohong. Mme ntho eo o leng yona feela ke ponahatso, lenseswe. Hoba A e nahane, O ile a e bua, mme ke wena enwa. Ha ho se jwalo, ha o no o le siyo monahanong wa Wona, ha ho mokgwa wa hore o be teng mono ho hang, hoba ke Wona Feela o fanang ka Bophelo bo sa Feleng.

⁵¹ Na le hopola kamoo re badileng Mangolo? "Ha se ya batlang, kapa ya mathang, empa Modimo!" Hore boitherelopele ba Wona bo tle bo eme bo tiile, O no o ka kgetha, pele ho nako efe feela, mang. Modimo o ikemetse kgethong ya Wona. Na le ne le tseba hoo? Modimo o ikemetse.

Ke mang ya neng a le teng morao mono ho Mo jwela mokgwa o molemo wa ho etsa lefatshe? Ke mang ya ka hlang a iteta a Mmolella hore O tsamaisa ditaba tsa Wona ka phoso?

Esita le lona—lona Lentswe, ka BoLona, le ikemetse. Esita le tshenolo e ikemetse. “O senolela eo A batlang ho mo senolela.” Yona tshenolo, ka boyona, e ruile borena ho Modimo. Ke moo batho ba thulakang dintho, mme ba tshethemela dinthong, mme ba otlaka dintho, ba sa tsebe seo ba se etsang. Modimo o ikemetse mesebetsing ya Wona.

⁵² Jwale re Mo fumana tshimolohong, bokgethi ba Wona. Mme, jwale, le ne le le ho Wona mohlang oo. Ke hona mohla Buka ya Bophelo e hlahellang.

Jwale, re bala mona ho Ditshenolo kgaolong ya 13, temana ya 8, ho re, “Sebata se nyolohang lefatsheng,” matsatsing ana a qetelo, “se tla thetsa batho bohle lefatsheng bao mabitso a bona a sa ngolwang Bukeng ya Bophelo ya Konyana pele ho motheo wa lefatshe.”

⁵³ Nahanang! Le pele Jesu a hlahla, dilemo tse dikete tse nne pele A fihla lefatsheng, le dilemong tse dikete tse mmalwa pele o fihla lefatsheng; Jesu, mohopolong wa Modimo, o ile a shwela dibe tsa lefatshe, mme Buka ya Bophelo ya etswa, mme lebitso la hao la ngolwa Bukeng eo ya Bophelo pele lefatshe le thewa. Ke Nneta ya Bibele eo. O a bona, lebitso la hao le kgethilihwe ke Modimo mme la ngolwa Bukeng ya Bophelo pele ho thewa lefatshe.

⁵⁴ O no o le mehopolong ya Wona. Ha o e hopole, tjhe, hoba o mpa o le karolo ya Bophelo ba Wona feela. O karolo ya Modimo ha o fetoha mora kapa moradi wa Modimo.

Jwalo feela kaha o le karolo ya ntatao wa lefatshe! Ke hantle. O yona. Botona bo jere hemotlelobine, madi. Mme ha ntho eo e se e kene kahara e—e lehe, jwale ke moo o fetohang karolo ya ntatao; mme mmao ke karolo ya ntatao, le yena; ka baka leo bohle le karolo ya ntata lona.

Thoriso! Taba eo e siya phutheho ya mokgatlo ka ntle, ho hang. Uh-huh. Ruri e etsa jwalo! Modimo, dinthong tsohle, yona feela nqalo!

⁵⁵ Lemohang bokgethi ba Wona jwale. Jwale he bokgethi e ne e le, pele, Modimo; mohopololo, bokgethi ka bobona, tsohle ho a le Mong, di ne di eso hlahiswe. Mme yare hoba A hlahise, bobeding, Ya eba Lentswe he. “Mme Lentswe la etswa nama mme la aha hara rona.”

⁵⁶ Mohalaledi Johanne kgaolo ya 1 le temana ya 1, lemohang, mona ke, “Tshimolohong.” Empa, pele, bosaFeleng! Lemohang, “Lentswe le ne le le tshimolohong.” Mohla nako e qalang, e ne e le Lentswe. Empa pele eba Lentswe, e ne e le bokgethi, mohopololo. Yaba o a hlahiswe, “Tshimolohong e ne e le,” ponahatso, “Lentswe.”

Jwale re finyella moo Melkisedeke a leng teng. Eo ke Motho enwa e mohlolo. “Lentswe le ne le le tshimolohong,

mme Lentswe le ne le le ho Modimo, mme Lentswe e ne e le Modimo.” “Mme Lentswe le ne le etswe nama mme la aha hara rona.” E tshwareng hona mono jwale, lemohang.

⁵⁷ Boleng ba Wona—Wona ba pele e ne e le Moya, Modimo, ya fetang tsa tlhaho, ke hantle, Rabosafeleng e moholo. Bobeding, A qalella ho Ipopela nq'a nama, *theofaning*, e bitswang “Lentswe; mmele.” Jwale he ke maemo Ao a neng a le ho wona mohla A kopanang le Abrahama, a bitswa Melkisedeke. O ne a le sebopanhong sa theofani. Jwale re tla kena tabeng eo mme re e pake metsotsong e mmalwa, ha Morena a rata. E ne e le Lentswe.

⁵⁸ Theofani ke ntho e nngwe eo o nong o ke ke wa e bona. E ka ba teng mona jwale, mme le jwale wa se ke wa e bona.

Ho jwaloka, e, thelebishene. E tekanyong e nngwe. Thelebishene; batho ba ntse ba feta ka phaposing ena hona jwale, ba bina; ho na le mebala, hape. Empa leihlo le lekanyeditswe dikutlong tse hlano feela... Botho bohole ba hao bo lekanyeditswe dikutlo tse hlano feela, ke rialo. Mme o beilwe feela tlasa seo mahlo a lekanyeditsweng ho se bona. Empa ho na le tekanyo e nngwe e ka bonwang ka phetolelo, ka thelebishene.

⁵⁹ Jwale, thelebishene ha e bope setshwantsho. Thelebishene e mpa e se kenya motjheng wa sekete feela, mme ebe moo galase ya thelebishene e se thonakang. Empa setshwantsho se teng mono, le ho qala feela. Thelebishene e ne e le teng mona mohla Adama a ne a le mona. Thelebishene e ne e le teng mona mohla Elia a na dutse hodima thaba ya Karmele. Thelebishene e ne e le teng mona mohla Jesu wa Nazaretha a na tsamaya mabopong a Galelea. Le mpa le sa tswa e sibolla hona jwale. Morao kwana ba ka be ba sa e dumela. O no o tla be o le lehlanya ho bua ntho e kang eo. Empa jwale e fetohile nnete.

Mme ho jwalo, Kreste o teng mona, Mangeloi a Modimo a teng mona. Mme ka tsatsi le leng, dilemong tse kgolo tse tlang tse Sekete, e tla tiya ho feta thelebishene kapa ntho efe feela, hoba ba teng mona.

⁶⁰ O Itshenola sebopanhong sa Wona se seholo sa seo A ipoletseng ka sona, A sa ntse a *en morphé* ka boYena kahara bahlanka ba Wona mme a Ipaka.

⁶¹ Jwale, ke enwa moo A leng teng o sebopanhong sa Moya. Mme A nto tla ka sebopaho sa...sa *en morphé*. Jwale, O ipontshitse ho Abrahama, *en morphé*. Mohla Abrahama a tswang ho bolaya marena, Melkisedeke ke enwa a e tla, a bua le Yena.

⁶² Tsatsi le leng pampiring ya Tucson, ke ne ke bala seratswana moo ho nong ho ena le—le mosadi ya kgannang

tseleng, kea kgolwa dimaele tse ka bang mashome a mane, mashome a mahlano ka hora, mme a thula monnamoholo ya apereng jase. A hweletsa a emisa koloi. Ya mo lahlela hodimo moyeng. Hantle feela lehwatatem le sabaletseng! Mme a kgutla ho batlana le yena, mme keha a le siyo mono. Ka hona yaba o etsang? Batho ba bang ka mora hae ba e bone e etsahala, ba bona monnamoholo a fefoha hodimo moyeng, le jase ya hae e tsokeha. Ka baka leo ba kgutlela morao ho batla. Keha ba sa fumane motho kae kapa kae. Ba bitsa sepolesa. Mapolesa a tswela teng ho hlahlobisa sebaka; ho se motho mono.

⁶³ Be, e mong le e mong wa bona a paka, “Koloi e ile ya hlokohleha, ya thula monna. A ya hodimo moyeng, mme motho e mong le e mong o e bone.” Dipaki, makoloi a mabedi kapa a mararo a tsona, ba e bone e etsahala. Ba fumana, dilemo tse hlano tse fetileng, ho ena le monnamoholo ya apereng jase, a thutswe mme a bolauwe ke koloi hona sebakeng sona seo.

Ha o tloha mona, ha o a shwa. O loketse ho kgutla, le ha eba o le moetsadibe, mme o ahlolwe ho ya ka diketso tse entsweng mmeleng. “Efela ha motlotlwana wona wa lefatshe o senyeha, re na le o re emetseng.” *En morphe*, ke lona lentswe.

⁶⁴ Jwale, Modimo, mohatong wa...Ke mohatong ona wa popo ya Hae, hamorao a bopelwa nameng, Jesu. Ho tswa ho eng? Ho tloha tshimolohong e kgolo, Moya, a nto theoha ho ba Lentswe, ho intsha ka BoLona. Lentswe ha le eso Ipope le jwale, le builwe feela, *en morphe*, hamorao O fetoha nama, Jesu, motho ya buswang ke lefu, ho latswa lefu bakeng sa rona bohole baetsadibe.

⁶⁵ Ha Abrahama a ne a kopana le Yena, E ne e le Melkisedeke. Mona O phuthulla seo bokgethi bohole bo tla se etsa pheletsong ya qetelo, mora e mong le e mong wa Abrahama. Mora e mong le e mong wa Tumelo o tla etsa yona ntho eo ka nnete. Empa ke batla ho sheba kamoo re tshwanetseng ho tla kateng.

⁶⁶ Hape, re Mmona a senotswe mona ho Ruthe le—le Boase, jwalo ka Molopolli wa Lesika, kamoo A neng a lokela ho tla fetoha nama.

⁶⁷ Jwale re bona bokgethi, bara ba Moya wa Hae, ha ba eso kene mmeleng wa sebopoho-sa-Lentswe. Empa, mmeleng wa bomodimo; mmele wona o tlasa Lentswe mme o lebeletse, o emetse tebeletso, phethoho ya mmele.

⁶⁸ Jwale, phapang pakeng tsa Hae le wena, jwaloka mora. O a bona, Yena, tshimolohong, e ne e le Lentswe, mmeleng wa *en morphe*. O ile a tla mme a phela kahara ntho eo, Bothong ba Melkisedeke. Jwale he, hamorao, ha rea ka ra hlola re utlwela ka Melkisedeke, hoba O ile a fetoha Jesu Kreste. Melkisedeke

e ne e le Moprista, hoba O ile a fetoha Jesu Kreste. Jwale, wena o tshethemme hono. Hobane, seboprehong seo, O ne a tseba dintho tsohle, mme wena ha o eso kgone ho tseba hoo le jwale.

O tlie jwaloka Adama, jwaloka nna, o tlohile bokgething ho fetela nameng, ho lekwa. Empa mohla bophelo bona bo felang mona, "Efela mohla motlotlwana wona wa lefatshe o senyehang, re na le o emeng." Ke hona moo re yang teng; ke Lentswe leo. Ebe re ka hetla morao mme ra bona seo re se entseng. Jwale ha re e utlisise. Ha re eso fetoha Lentswe; re fetohile motho-nama feela, e seng Lentswe.

⁶⁹ Empa, mme o shebe, ka ho hlaka ho e hlakisa, o ke ke wa ba Lentswe ha o no o se mohopolo tshimolohong. Hoo ho paka boitherelopele ba Modimo. Le a bona? O ke ke wa fetoha Lentswe pele o e-ba mohopolo. O no o loketse ho ba mohopolong, pele.

Empa, o a bona, hore o tle o emele teko, o ne o loketse ho tshethema theofani. O no o loketse ho theohela mona nameng, ho lekwa ke sebe. Mme hape, ha o ka ema, "Bohle bao Ntate a Nneileng bona ba tla tla ho Nna, mme Nna ke tla mo tsosa matsatsing a qetelo." O a bona, o no o loketse ho ba teng pele.

⁷⁰ Mme hape, le a bona, O theoha hantle jwalo, ka motjha wa tlwaelo, ho tswa ho bokgethi ho ya ho...Pele lefatshe le thewa, lebitso la hae le ngolwa Bukeng ya Bophelo ya Konyana. Ebe, ho tloha moo, O fetoha Lentswe, mmele wa bomodimo, o nong o ka hlaha, wa nyamela. Mme yaba O fetoha nama mme a kgutlela morao hape, a tsosetsa oona mmele oo maemong a tlotlisitsweng.

Empa wena o tlotse theofani mme wa fetoha motho-nama, ho lekwa ke sebe. Mme hape, "Efela ha motlotlwana wa lefatshe o senyeha, re na le o re emetseng." Ha re eso fumane mebele.

⁷¹ Empa, bonang! Ha mmele ona o amohela Moya wa Modimo, Bophelo bo sa shweng ka hare ho wena, o lahlela mmele wona tlasa taolo ya Modimo. Alleluia! "Ya tswetsweng ke Modimo ha a etse sebe; a ke ke a etsa sebe." Baroma 8:1, "Ha ho sa le tsuo ho bao ba leng ka ho Kreste Jesu; ha ba tsamaye ka nama, ba mpa ba tsamaya ka Moya." Ke moo he. Le a bona, hoo ho bea mmele wa hao tlasa taolo.

Ha o a lokela ho re, "Oh, ha nka kgaotsa ho nwa feela! Hola feela nka kgona..." Kenya Kreste feela, mme tsohle di ile, o a bona, o a bona, hoba mmele wa hao o beilwe tlasa Moya. Ha o sa le tlasa dintho tsa lefatshe; di shwele. Di shwele; dibe tsa hao di patilwe kolobetsong, mme o mmopuwa e motjha ho Kreste. Mme mmele wa hao, ka ho ba tlasa taolo ya Moya, o leka ho phela bophelo ba mofuta o loketseng.

⁷² Jwaloka lona basadi le reng le na le Moya o Halalelang, mme le tswela kantle mona mme le tena marikgwana a makgutshwane le dintho, le ka etsa jwalo jwang? Moya wa Modimo o ka ho lona o no o ka le dumella jwang ho etsa ntho e kang eo? Ha se ntho e ka etsahalang feela. Ruri, e ke ke ya etsahala. Ha se moya o ditshila; Ke Moya o halalelang.

⁷³ Mme ha o le tlasa taolo ya Moya oo, o lahlela botho bohole ba hao tlasa Moya oo. Mme Moya oo ha se letho lefatsheng empa ke Peo Lentswe lena le bonahaditsweng, kapa le tsositsweng, allelua, ho phediswa. Mme ha Bibele e ne e re, “O se ke wa etsa *sena*,” mmele oo o sokolohela ho Lona hang-hang. Ha ho potso ya letho.

Mme ke eng? Ke tebeletso ya tsoho. Mmele ona o tla tsoswa hape, hoba o se o ntse o qadile. Ka nako e nngwe o ne o le tlasa sebe, le reberebe le bobodu, empa jwale o na le tebeletso; o fetohetse nq'a Lehodimo. Jwale, eo ke tebeletso ya hore o tli'l'kena Tlhwibilong. Ke tebeletso.

⁷⁴ Motho ya robetseng a kula, a eshwa, ho se letho le setseng haese lefu; ke phetho se ka etsahalang. Ke bone diriti tsa batho, ba se ba jelwe ke mofetshe le lefuba; mme ka bona batho bao, nakwana ka morao ho moo, ba kgutletse setlwaeding mme ba le matla. Ha phodiso ya Kgalalelo e le siyo, e tla ba tsoho ha e yo, hoba phodiso ya Kgalalelo ke tebeletso ya tsoho. Amen!

⁷⁵ Le tseba seo tjhelete ya tebeletso e leng sona, ha ho jwalo? Ke tefello e tlase. “A tetekwa ka baka la makgopo a rona; re fodiswa ka maqeba a Hae.” Lemohang ho hotle hakakang! Re a Mo rata.

⁷⁶ Jwale, mmele wona o tlasa taolo ya Moya. Ha o eso kene sebopehong sa Lentswe, empa re sa le sebopehong sa nama, empa re tlasa taolo ya Lentswe. Lefu nameng le tla re fihlisa mono.

⁷⁷ Ke ntho e tshwanang feela, nahanang ka lesea le le nyenyane. Le ka nka mosadi ya kgopo, ho sa tsotelle hore o kgopo ha kakang, ha a ithwetswe mme a le makgatheng a ho ba mme. Hlokomelang, pele lesea leo le hlahla, ha ke tsotelle mosadi eo o sehloho hakae, o ba mosa haholo. Ho na le ntho e nngwe ka yena e tiileng... e tshwanang le bohalaledi, ho bona mmenyana a le makgatheng a ho ba mme, ka lesea. Hobaneng? Mmejana oo, jwale, ha le e-so ka le phela, le a bona, ntho eo le leng yona feela ke nama le mesifa. Ho tlola-tlola hoo, ke mesifa e rutla-rutlang feela. Empa ha le tswa popelong, Modimo o le budulela phefumoloho ya bophelo, mme ebe le a hweletsa. Le a bona, ruri jwalo feela kaha—kaha ho e na le mmele wa tlhaho o boptjwang, ho na le mmele wa moya o o amohelang hang feela ha o fihla mona.

⁷⁸ Jwale he, ha motho a tswalwa la bobedi, ho tswa Lehodimong, e ba lesea la moya ho Kreste.

Mme, hape, mohla kobo ena ya nama e wang, ho na le mmele wa tlhaho, mmele wa bomodimo, mmele o sa etswang ka matsoho, le o sa tswalwang ke mosadi, oo re yang ho oona.

Ebe moo mmele oo o kgutlang mme o thonaka mmele o tlotlisitsweng.

Ke ka hona Jesu a ileng a ya diheleng ha A ne a shwa, mme a bolella meya e neng e le teronkong; a kgutletse mmeleng oo wa bomodimo. Oho, ho babatseha ha kakang! Modimo a lebohuwe!

⁷⁹ Bakorinthe ba Bobedi 5:1, “Efela ha mmele oona wa lefatshe o senyeha, motlotlwana oona wa lefatshe, re na le o mong.” Le a bona, re tlotse ntho eo, ho tswa ho Modimo ka kotloloho, mohopolo; ho ba nama, ho lekwa le ho lauwa ka sebe, jwalo ka ha Adama a entse. Empa mohla tayo ya Hae ya Lentswe e felang, re nkelwa mmeleng oona o lokiseditsweng rona pele lefatshe le thewa. Ke Lentswe leo re le tlotseng mono, ho tla ka kwano hantle, tlase mona ho lekwa le ho lauwa. Hola ra tla ka ntho eo teko e ka be e le siyo; re ne re tla be re tseba dintho tsohle. Ke ka baka leo Jesu a neng a tseba dintho tsohle, hoba E ne e le Lentswe pele E ba nama. Re ntano fetoha Lentswe.

⁸⁰ Mona re bopelwa sethwantshong sa Lentswe, ho ba monka-kabelo wa Lentswe, ho iphepa ka Lentswe, ka ho rerwa pele ho tloha tshimolohong; o bona hlasenyan eo ya Bophelo boo o nong o e-na le bona ho tloha tshimolohong, mohla o neng o qala leeto la hao. Bongata ba lona bo ka e hopola. O ile wa ngodisa kerekeng *ena* mme wa ngodisa kerekeng *yane*, wa leka *sena* le *sane*; ho se letho le kgotsofatsang. Ke hantle. Empa ka tsatsi le leng wa Le elellwa feela. Hantle.

⁸¹ Bosiu bo bong ke ne ke ruta sebakeng se seng, kea kgolwa ka ntle kwana California kapa Arizona, mohlomong...Kea kgolwa ke boletse palenyana eo mona, ka monna ya alamisang sethole mme a beile lehe la ntsu tlasa sona. Mme eitse ha ntsu eo e qhotswa, e le nonyana e mohloloka ho feta tjhebehong eo ditsuonyana tseo di kileng tsa e bona. Empa, e ne e tsamaya hohle. E ne e le—e ne e le yona e mpe hara tsona, hoba e ne e sa utlwisise feela kamoo sethole se kakatletsang mme se fata qubung eo ya moitedi mme e je. E sa utlwisise kgopoloko eo. Se ne se re, “Tloo o tlo keteka, moratuwa!” Empa, e ne e le ntsu, e ne e sa je jwalo feela. E ne e se dijо tsa yona.

⁸² Ha ho le jwalo se kole ditsienyane le dintho tseo, le a tseba, mme se bitse ditsuonyana. Mme ditsuonyana tseo tsohle di ye hammoho, di kakatletse mmoho, mme di je. Empa ntsunyana e sa kgone ho etsa hoo feela. Di sa—di sa shebehe hantle ho yona.

Ka hona ka tsatsi le leng mma yona a tla e tsoma.

⁸³ Mme e ne e tlwaetse ho utlwa sethole seo se kakatletsa. E leke ka matla a yona ho kakatletsa, empa e sa kgone ho etsa hoo. Ya leka ho tsetse-tsetsela jwalo ka tsuonyana, empa e sa kgone ho e etsa. Le a bona, e ne e le ntsu. Yona, le ho qaleng, e le ntsu. E ne e mpa e qhotseditswe tlasa sethole feela.

Ho jwaloaka ditho tse ding tsa kereke. E mong le e mong... Ho batla ho le jwalo; mohlomong a le mong madulong, o lokile.

⁸⁴ Empa ka tsatsi le leng mma yona a fofa hodimo, mme a hweletsa. A o elellwa. Hoo ho ne ho utlwahala hantle. Hobane'ng? E ne e le ntsu, le ho qaleng.

Ho jwalo le Evangedi, kapa Lentswe, kapa Matla a Jesu Kreste. Ha motho a reretswe Bophelong bo sa Feleng, a utlwa lekodilo leo la manneta, mohweletso wa Modimo, ha ho letho le ka mo tlosang ho Lona.

Kereke e ka nna ya re, "Matsatsi a mehlolo a fetile," keke, keke, keke. "Ema mona o je *sena*, mme o eme mona o je *sane*."

⁸⁵ Dintho tseo tsa jarete ya modiko di ke ke tsa tsamaelana le yena, hape. O ile. "Tsohle di ka etswa!" O phahama fatshe.

Ke ka baka leo, ke lona lebaka ka Bakreste ba bangata kajeno, ha ba kgone ho tlosa maoto a bona fatshe.

Mme wa kgale a re, "Mora, tlola! O ntsu. Nyolohela kwano moo ke leng teng."

A re, "Mme, ha ke eso qhome, bophelong ba ka."

⁸⁶ A re, "Be, tlola! O ntsu, le ho qaleng. Ha o tsuonyana." Ka baka leo ya tlola kgetlo la pele mme ya otanya dipheyo tsa yona; ha ho a ka ha thusa letho, empa ya tloha fatshe.

Ke kamoo re sebetsang kateng. Re amohela Modimo ka tumelo, ka Lentswe le ngodilweng. Ho na le ntho e nngwe ka mono; ke Bophelo boo bo sa Feleng. O reretswe ho bona.

⁸⁷ Ntatae moholo le nkgon'ae e ne e le dintsu. E ne e le ntsu, morao kwana. Dintsu ha di itswakanye le dintho tse ding. Ha se haeborete; tjhe. Ke ntsu.

⁸⁸ Jwale he, hoba o elellwe hore lona Lentswe la Modimo e ne e le Dijo tsa Ntsu, yaba o siya ntho e nngwe. Jwale he o bopetswe setshwantshong se phelang sa Modimo o phelang. O utlwile ka theofani ya hao. "Efela mohla mmele oona wa lefatshe o senyehang, re na le o re emetseng."

O re, "Na ho jwalo, Moena Branham?"

Ke hantle, ha re nkeng dintsu tse mmalwa mme re di shebe metsotso e mmalwa. Ho no ho e na le lebitso, monna ya bitswang Moshe. E mong le e mong o a tseba hore moporofeta o bitswa ntsu, ka hara Bibele.

⁸⁹ Ho no ho e na le moporofeta ya bitswang Moshe. Mme ka tsatsi le leng Modimo wa mmitsa, mme wa hana ha a tshelela lefatsheng, mme a—a shwela hodima lefika. Mangeloai a mo tlosa a mo pata.

Ha ba le monna e mong, ntsu, ha a ka a lokela le ho shwa. A mpa a tsamaya a tshela Jordane feela, mme Modimo wa theola koloi; mme a siya kobo ena ya nama, mme a nyoloha a nka kgau e sa feleng.

Dilemong tse makgolo a robedi hamorao, dilemo tse makgolo a robedi hamorao, Thabeng ya Phetholelo, banna bao bobedi ke bana moo ba emeng. Mmele wa Moshe o se o bodile ka dilemo tse makgolo, empa ke enwa moo a neng a le teng ka sebopeho se jwana hoo Petrose, Jemese, le Johanne ba mo tsebileng Amen! “Efela mohla motlotlwana oona wa lefatshe o senyehang,” ha o le mohopolo wa Modimo o bonahatswang lefatsheng mona, “o na le mmele o o emetseng mohla o siyang lefatshe lena.” Ke bao moo ba neng ba le teng, ba eme Thabeng ya Phetholelo, ka hara theofani ya bona. Hoba, e ne e le baporofeta bao Lentswe le tlileng ho bona.

⁹⁰ Hape ha re lemoheng moporofeta e mong, ka nako e nngwe, ya bitswang Samuele. E ne e le monna ya phahameng. O ne a rutile Iseraele; a ba bolella hore ha ba lokela ho ba le morena. A re, “Na nkile ka le bolella taba ka Lebitso la Morena e sa kang ya hlaha?”

Ba re, “Tjhe. Ntho e nngwe le e nngwe eo o e boletseng ka Lebitso la Morena e hlahile.”

E ne e le moporofeta, mme a shwa.

⁹¹ Dilemo tse ka bang tharo kapa nne hamorao, morena o ile a kena kgathatsong; moo ke pele Madi a Jesu Kreste a tsholoha. O ne a le paradeising. Mme senohe sa Enedore sa bitsa motho e mong, ho tlisetra Saule matshediso. Mme ha senohe se mmona a ema, sa re, “Ke bona modimo o phahamang fatshe.”

⁹² Mme hoba monna a shwe, a patwe, mme a bole lebitleng, ke enwa moo a neng a eme ka hara lehaha leo, ka diphekga tsa hae tsa moporofeta; mme e ntse e le moporofeta, amen, hoba o itse, “O nnyoletseng phomolong yaka, ha e le moo o iphetotse sera sa Modimo?” Mo hlokomeleleng ha a porofeta. “Hosasane bosiu, ka nako ena, o tla ba le nna.” E ntse e le moporofeta, leha a ne a tswile mmeleng oona.

Le a bona, o ne a fetohile mona mme e le karolo ya Lentswe leo, mme ho tswa bophelong ba nama a kena a kgutlela mmeleng oo o lokiseditsweng yena pele ho thewaa lefatshe. A kena ka hara theofani, e beng e le Lentswe. Le a e tshwara? Ke hona moo badumedi bohole ba yang teng mohla re tlolahang mona.

⁹³ Jwale he, sebopehong seo, lesira le tlositswe he. O a bona, o Lentswe, le wena, ha o kena mono. Jwalo ka leseanyana; jwaleka ha ke boletse nakwaneng e fetileng . . .

⁹⁴ Jwale lemohang. Thoriso e be ho Modimo ka baka la manollo ya Ditiiso, ke thapelo ya ka, ho tseba dintho tsena!

⁹⁵ Jwale tshenolo ya nneta ya Melkisedeke e a hlahella. Eng? E ne e le Modimo, Lentswe, pele A fetoha nama; Modimo, Lentswe. Hoba, O ne a loketse jwalo; ha ho ya neng a ka hlola ka ho sa feleng jwale ka Yena. Le a bona, ke bile le ntate le mme; le lona, jwalo. Jesu o ne a e na le ntate le mme. "Empa Monna enwa o ne a se na ntate, kapa a se na mme." Jesu o na le nako eo A qadileng ka yona; ha ho a ba jwalo ka Monna enwa. Jesu o nehelane ka bophelo ba Hae; Monna enwa o ne a ke ke a kgona, hoba Yena e ne e le Bophelo. Mme ke Monna a le mong ka dinako tsohle. Ke a tshepa hore Modimo o le senolela yona. Motho a le mong, ka dinako tsohle.

⁹⁶ Lemohang lebitso la Hae, "Morena wa ho loka." Jwale, Baheberu 7:2, "Morena wa ho loka, le Morena wa kgotso." Ke marena a mabedi. Jwale hlokomelang, Baheberu 7:2, "Morena wa ho loka, hape ke Morena wa kgotso." Ke marena a mabedi mono. Jwale ho tloha mohla A ne a tla ka nama mme a nka mmele wa Hae a o nyollela hodimo, ho Tshenolo 21:16, O bitswa, "Morena wa marena." Ke boraro ba bona kaofela, mmoho. Le a bona, Morena Modimo, Morena Theofani, Morena Jesu. "Ke Morena wa marena."

Di kopane tsohle, jwale ka soule, mmele, le moyo, tsohle di a tla di etsa ntho e le nngwe.

⁹⁷ Hape, Ke Ntate, e leng ntho ya pele; Mora; le Moya o Halalelang, Moya.

"Morena wa ho loka," bokgethi ba Moya; theofani, "Morena wa—wa kgotso," theofani; mme nameng E ne le "Morena wa marena," Motho a le mong.

⁹⁸ Mohla theofani, Moshe o ne a Mmone, Exoda 33:2, E ne e le theofani. Moshe o ne a batlile ho bona Modimo. O ne a utlwile lenseswe la Wona, a Mo utlwa a bua le yena, a Mmona sehlahleng mono, jwale ka Topallo ya Mollo e kgolo. Mme a re, "O Mang? Ke batla ho tseba hore O Mang." Moshe a rialo. "Ke tla bea . . ." "Ha O ka ntumella ho O bona, ke batla ho bona sefahleho sa Hao."

⁹⁹ A re, "Ha ho motho ya ka bonang sefahleho sa Ka." A re, "Ke tla bea letsaho la Ka hodima mahlo a hao, mme Ke tla feta. Mme o ka bona mokokotlo wa Ka, empa e sang sefahleho sa Ka." Le a bona? Mme hoba A etse jwalo, keha e le mokokotlo wa Monna; e ne e le theofani. Jwale he Lentswe le tlileng ho Moshe, "KE TENG," e ne e le Lentswe. Lentswe le tlile ho Moshe ka sebopehong seo, Topallo ya Mollo sehlahleng se tukang, yena "KE TENG."

¹⁰⁰ Jwale ka Lentswe le tswang ho thutabomodimo...le tswang ho theofani, ke batla ho rialo. Ntshwareleng. O tlie ho Abrahama jwale ka Monna, tlasa sefate sa eike. Jwale shebang hoo mono. Ho ile ha tla Monna e mong ho Abrahama, ba bararo ba bona, mme ba dula tlasa sefate sa eike, boraro ba bona. Mme le lemohe, hoba A qoqe le Abrahama....

¹⁰¹ Hobane'ng A tlie? Abrahama, e leng yena ya neng a tshwere tshepiro le molaetsa wa mora ya tleng, mme hape e ne e le Lentswe-moporofeta wa Modimo ya neng a tshepile Lentswe la Modimo, a bitsa ntho e nngwe le e nngwe e kgahlano jwalo ka hoja e ne e le siyo. Le bona kamoo Lentswe le phethahetseng kateng? Lentswe le tlie ho moporofeta. Le a bona, Modimo ke eo o ne a le theofaning. Mme Bibele e boletse, "Lentswe le tla ho moporofeta." Mme ke mona e-e Lentswe le ne le le theofaning.

Jwale le re, "E ne e le Modimo eo?"

¹⁰² Abrahama o itse e ne e le yena. O boletse lebitso la Hae, e ne e le, o ile a Mo rea Elohim. Jwale ho Genese 1, le fumana hore, "Tshimolohong *Elohim* o ne a hhole mahodimo le lefatshe." Ho Genese 18, re fumana hore—hore Abrahama Motho enwa o mo reile...ya neng a dutse mono a buisana le yena, mme a kgona ho mmolella merero ya pelo ya hae, ho mmolella seo Sara a neng a se hopotse ka mora Hae. Abrahama a re, "Ke Elohim." O ne a le sebopehong sa theofani. Le a e tshwara? Lemohang ka mora....

¹⁰³ Jwale re fumana hore mohlang oo O ne a le sebopehong sa theofani. A Mo rea, "Morena Modimo, Elohim." Jwale, ho Genese 18, re fumana hore hoo ho nepahetse.

¹⁰⁴ Jwale lemohang Abrahama. Ho no ho le ba bararo ba bona mmoho, empa yare ha Abrahama a kopana le ba bararo, a re, "Morena wa ka."

Empa yare ha Lota, tlase Sodoma; ba babedi ba bona ba theohetse mono, mme Lota a bona ba babedi ba bona ba e tla, mme a re, "Marena a ka." Le a bona, molato e ne e le eng? Tabeng ya pele, Lota e ne e se moporofeta, ke hantle, le jwalo e ne e se moromuwa wa hora, ka hona a se na tshenolo ya Hae. Ke hantle haholo. Lota o ne a ka ba bitsa "marena." Tosene ya bona, o na ka nna a re, "marena."

Empa ho sa tsottelehe hore Abrahama o bone ba bakae, E ne ntse le Morena a le mong. Modimo ke eo. Enwa e ne e le Melkisedeke.

¹⁰⁵ Lemohang, hoba ntwa e fete, Melkisedeke o ile a jesa ngwana Hae wa mohlodi selallo; nahanang ka hoo, karolo ya Hae ka boyena! Jwale re batla ho bona mona. Papisong mona ho leng teng, tekolong, ke selallo. Ka mora ntwa, A fana ka

Yena, hoba selallo ke karolo ya Kreste. Mme hoba pheello e kgolo e fete, hoba o iphenye, ke mohla o nkang kabelo ho Kreste, ho fetoha karolo ya Boleng bona. Le a e tshwara?

¹⁰⁶ Jakobo o na betane bosiu bohole, mme a sa batle ho Mo lesa ho fihlela A mo hlohonolofatsa. Ke hantle. A Iwanela Bophelo! Mme hoba ntwa e fele, eba Modimo o Ikabela wena. Ke selallo sa Hae sa nnete. Bohojana le thajana di mpa di Se emetse feela. Ha o a lokela ho se ja haese ha o lwanne mme o fetohile karolo ya Modimo.

¹⁰⁷ Hopolang, nakong ena, selallo se ne se eso hlongwe, e seng ho fihlela pele ho lefu la Jesu Kreste, dilemo tse makgolo le tse makgolo le tse makgolo hamorao.

¹⁰⁸ Empa Melkisedeke, hoba ngwana wa Hae Abrahama a hape tlholo, Melkisedeke a kopana le yena mme a mo fa veine le bohobe; ho bontsha hore hoba ntwa ena ya lefatshe e fele, re tla kopana le Yena mahodimong mme re je selallo hape. E tla be e le Selallo sa Lenyalo. “Ha ke sa tla hlola Ke nwa veine, kapa ho nwa tholwana, ho fihlela Ke e-ja le ho e-nwa le lona, ka botjha, Mmusong wa Ntate wa Ka.” Na ho jwalo?

¹⁰⁹ Lemohang hape, Melkisedeke o ile a kopana le Abrahama pele a kgutlela hae hape. Ke papiso e ntle ha kakang eo re e fumanang mona! Melkisedeke a kopana le Abrahama pele a kgutlela hae, ka mora ntwa.

Re kopana le Jesu sebakeng, pele re fihla Hae. Ke hantle. Bathessalonika ba Bobedi e re bolella, ho re, “re kopana le Yena sebakeng.” Papiso e ntle ya Rebeka ya kopanang le Isaaka, tshimong, nakong ya letsatsi ha ho phodile. “Re kopana le Yena sebakeng.” Bathessalonika ba Bobedi e re bolella jwalo. “Hoba rona ba phelang ba saletseng re ke ke ra raka kapa ra sitisa ba robetseng; hoba terompeta ya Modimo e tla lla; ba shwetseng ho Kreste ba tla tsoha pele; rona ba phelang ba saletseng re tla nkelwa mmoho le bona, ho kopana le Morena sebakeng.” Ka ho phethahala, dipapiso tsena tsohle.

¹¹⁰ Ha ho le jwalo, theofani, ha eba o se o shwele mme o kene theofaning eo, (ho etsahalang ke eng?) theofani e tla lefatsheng ho thonaka mmele o lopolotsweng. Mme ha eba o le hodimo mona sebakeng, o nka mmele ho kopana le theofani, ke lona bao, “le ho nkelwa hodimo, le ho kopana le Morena sebakeng.”

¹¹¹ Melkisedeke enwa ke Mang haese Modimo!

¹¹² Jwale mona re bona ka ho hlaka lekunutu le tletseng la maphelo a rona leetong, le lefung, le moo re yang teng hoba re shwe. Hape, boitherelo pele bo tekolong e totobetseng mona. Jwale utlwang ha re ruta taba ena, ka hlokomelo.

¹¹³ Mehato ya—ya morero o sa Feleng oo A neng a o patile sephiring sa Hae o senotswe jwale. Lemohang, ho sa na le mehato e meraro e isang phethehong. Jwalo feela kaha a lopolotse lefatshe; O lopolotse Kereke ya Hae jwalo. O lopolla

batho ka mehato e meraro. Jwale bonang. Pele ke tokafatso, jwaloka ha Luther a rerile; bobedding, hlatsuo, jwaloka ha Wesley a rerile; borarong, kolobetso ya Moya o Halalelang. Ke hantle. Ho nto tla Thlwibilo!

¹¹⁴ Jwale, lefatshe, lefatshe O le lopolotse jwang? Sa pele, seo A se entseng, ha le ne le etsa sebe, O ile a le hlatswa ka kolobetso ya metsi. Ke hantle. Yaba O rothetsa madi a Hae hodima lona, ho tswa sefapanong, le ho le halaletsa le ho le bitsa la Wona ka Sebele. Mme jwale ebe O etsa'ng? Eitse hoba A fothonole lefatshe lohle ho wena, mme a ntjhafatsa ntho yohle ka kolobetso e tukang ya Moya o Halalelang, le jwalo O tla ntjhafatsa lefatshe. Mme le tukiswa ke Mollo, le ho hlwekisa kokwanahloko e nngwe le e nngwe, dimilione tsa dimaele ho ya hodimo, ntho e nngwe le e nngwe e tla hlatsuwa. Mme ho ntano ba le Lehodimo le Letjha le Lefatshe le Letjha, jwalo feelsa kaha o le mmopoqua e motjha ho Kreste Jesu ha Moya o Halalelang o o tshwara. Le a bona, ke lona bao, ntho yohle e hlakile kamoo e ka hlakang. Ntho e nngwe le e nngwe e tsamaya ka boraro.

¹¹⁵ Tswalo ya tlaho e borarong. Ntho ya pele e etsahalang ke efe ha mosadi a fumana lesea? Ntho e pshatlehang pele ke efe? Metsi. Ntho e latelang e pshatlehang ke efe? Madi. Tsamaiso e latelang ke efe? Bophelo. Metsi, madi, moyo.

Ho etsahala eng ka semela? Sea bola. Ntho ya pele ke efe? Thlaka. E latelang ke efe? Ditjellane. E latelang ke efe? Lekgapetla. Thollo e nto tswa mono. Ke mehato e meraro feelsa ya yona, ho fihlela e fihla thollong. Ke hantle.

¹¹⁶ Modimo o netefatsa hoo. E sa le e nepahetse. Modimo o a e netefatsa hore ke nneta. Ho bontsha ka ho hlaka, hore ba rerilweng pele ke bona feelsa ba elwang hloko topollong. Na le e utlwile? E re ke bue hape. Ba rerilweng pele ke bona feelsa ba elwang hloko topollong. Batho ba ka iketsisa jwalo, ba hopola jwalo, empa topollo ya nneta ke bao ba rerilweng pele. Hobane, lona lentswe *lopolla* le bolela "ho kgutlisetsa." Na ho jwalo? *Lopolla* ke ntho... Ho *lopolla* ntho efe feelsa, ke, "ho e kgutlisetsa madulong a yona a ho qala." Alleluia! Ka baka leo ke ba rerilweng pele ba tla kgutliswa, hoba ba bang ha ba tswe Mono. Le a bona, "ho kgutlisa!"

¹¹⁷ Ho hlola le Yena ka ho sa Feleng, tshimolohong... Bophelo bo sa Feleng boo o bileng le bona, mohopolo wa Hae wa seo o no o le sona, feelsa, O ne a batlike hore o... O ne a batlike hore ke eme sefaleng, a re rialo. O ne a batlike hore o dule setulong bosiung bona. Jwale he re phetha morero wa Hae o sa Feleng. Mme ya tlolaheng hae, o mpa a tlide lefatsheng feelsa ho phetha morero wa Hae. Na ho jwalo? Ke hantle. Jwale he, hoba o fete, o busetswa boemong bo tlotsitsweng; o a phethahatswa o ntano kgutliswa hape.

¹¹⁸ Ha ho makatse Paulose a ne a ka bolela, mohla ba betlang kutu ya ho kgaola hlooho ya hae; a re, "O lefu, tsenene ya hao e

kae? O lebitla, tlholo ya hao e kae? Empa ke leboha Modimo O re fang tlholo!" A re, "Lefu, mpolelle moo o ka ntsetsedisang! Lebitla, mpolelle mokgwa oo o ka mphuparang ka ona! Hoba, ke morui wa Bophelo bo sa Feleng." Amen! A elellwa taba eo. Lefu, dihele, lebitla, ho se letho le ka mo fuparang. Mme ha ho letho le ka re ntshang kotsi, re na le Bophelo bo sa Feleng! A elellwa hore o sitsitswe ka Bophelo bo sa Feleng.

¹¹⁹ Jwale feela ka phophi ya phoka. Ha eba ke utlwisia, ke... Ha ke tsebe ha kaalo ka motswako wa dikemikale. Empa, e tshwanetse e be e le—e le kgwamo ya mongobo kapa atemosefere. Mme ere ha bosiu bo hatsela mme bo fifala, e theoha mahodimong mme e rothela mobung. Ho na le e weleng e tswa teng. Empa hoseng ho hlahlamang pele tsatsi le tjhaba, e robetse mono, thakanyana leo, e a tlakasela. Empa e re feela letsatsi le tjhaba, e shebeng ha e phatsima. E thabile. Hobaneng? Letsatsi le tlide ho e bitsetsa moo e tswang teng.

Mme ho jwalo le ka Mokreste. Alleluia! Rea tseba ha re kena ka pela Sefahleho sa Modimo, ntho e nngwe ka ho rona e re bolella hore re tswa sebakeng se seng, mme re kgutlisetswa teng hape ke Matla a re hulang.

¹²⁰ Phophi ya phoka, e a benya e a phatsima mme e a hweletsa, hoba e a tseba hore e tswa hodimo mane, mme letsatsi leo le tla e hulela hodimo hape.

Mme motho eo e leng mohopolo wa Modimo, ya tswetsweng ke Modimo, o a tseba, alleluia, ha a hokana le Mora Modimo, o tlilo hulelwa hodimo ho tswa mona ka tsatsi le leng. "Hoba Nna etlare hobane Ke nyollwe lefatsheng, Ke tla hulela batho bohole ho Nna." Amen!

¹²¹ Jwale lemohang, jwale, re bona Melkisedeke le hore hobane'ng Maria e ne e se mme wa Hae. Ke ka hona A mo bitsitseng "mosadi," e seng *mme*. "O ne a se na ntate," hoba E ne e le Ntate, Ntate ya sa feleng, ba bararo ho a le Mong. "O ne a se na mme," ruri ha ho jwalo. O ne a se na ntate, hoba E ne e le Ntate. Jwaloka ha seroki se boletse ka nako e nngwe, se bua se isa dithoko tse kgolo ho Jesu, a re:

KE NNA ya buileng le Moshe hlahleng sa
mollo o tukang,

KE NNA Modimo wa Abrahama, Naledi e
Kganyang ya Meso.

KE NNA Alfa, Omega, qalo ho tloha
qetellong.

KE NNA hlolo yohle, mme Jesu ke Lebitso.
(Ke hantle.)

Oh, le re Nna ke mang, mme ba re ke tswa
kae,

Na le tseba Ntate wa Ka, kapa la bolela
Lebitso la Hae? (Alleluia!)

¹²² Ke Lebitso la Ntate leo! Eya, “Ke tla ka Lebitso la Ntate wa Ka, mme ha le Nkamohelle.” Le a bona? Ehlide, E sa le yena maobane, kajeno, le ka ho sa feleng.

¹²³ Mme Melkisedeke enwa a fetoha nama. A Itshenola jwalo ka Mora motho ho tleng ha Hae, jwaleka Moporofeta. O tla ka mabitso a mararo a Mora; Mora motho, Mora Modimo, Mora Davida.

¹²⁴ Mohla A ne a le lefatsheng mona, E ne e le Motho, ho tlatsa Lengolo. Moshe o boletse, “Morena Modimo wa lona o tla hlahisa Moporofeta ya jwalo ka nna.” Ka baka leo O ne a loketse ho tla jwalo ka Moporofeta. Ha A ka, le ho leka ho re, “Ke Mora Modimo.” O itse, “Ke Mora motho. Na le dumela Mora motho?” Hoba, ke seo A neng a loketse ho se paka, hoba ke seo A neng a le sona.

Jwale O tlide ka Lebitso la mora e mong, Mora Modimo; ya sa bonweng; Moya.

Mme mohla A tlang hape, Ke Mora Davida, ho dula teroneng ya Hae.

¹²⁵ Jwale ha A ne a le mona mme a etswa nama, O ile a bitswa, “Mora motho.” Jwale, O Itsebisitse lefatshe jwang jwalo ka Mora motho, Moporofeta?

¹²⁶ Ka letsatsi le leng ke ne ke phetha pale ya Petrose le Andrease, moena wa hae. E le batshwasi ba dihlapi, mme ntata bona Jonase e le modumedie moholo wa kgale. Ka tsatsi le leng ba re o ile a dula fatshe pela mokoro. A re, “Bara, le tseba kamoo re rapetseng ha re ne re hloka hlapi.” E le batshwasi ba bapatsang ka dihlapi. A re, “Re ile ra tshepa Modimo, Jehova, bakeng sa bophelo ba rona. Mme kea tsofala jwale; nke ke ka ba le lona halelele bashanyana. Mme kamehla, nna jwalo ka badumedi bohole ba nnete, ke nnile ka lebella mohla Messia a tla fihla. Re bile le mefuta yohle ba bohata, empa ho tla tla Wa nnete, ka tsatsi le leng.” Mme a re, “Mohla Messia enwa a tlang, ha ke batle ha le ka thetswa bashemane. Messia enwa e ke ke ya ba moithuti wa thutabomodimo feela. E tla ba Moporofeta, hoba Moshe moporofeta wa rona, eo re mo salang morao, o boletse.”

Jwale, moJode ofe kapa ofe o ye a dumele moporofeta wa Hae. O rutilwe ho tseba hono. Mme moporofeta ha a bolela taba e jwalo, e ba ke nnete. Empa Modimo o boletse, “Ha ho na le e mong hara lona, wa moyo, kapa moporofeta, Nna Morena Ke tla Itsebisa yena. Mme ha seo a se bolelang se hlahla, jwale le mo utlwe le be le mo tshabe; empa ha e sa hlahla, jwale he le se ke la mo tshaba ho hang.” Le a bona? Ka baka leo eo e—e ne e le netefatso ya moporofeta.

¹²⁷ “Ka baka leo ruri Moshe e ne e le moporofeta ya netefaditsweng, mme a re, ‘Morena Modimo wa lona o tla

hlahisa, hara lona, hara bana beno, Moporofeta ya jwaloka nna. Mme bohle ba sa tlo mo utlwa ba tla kgaolwa setjhabeng.”” A re, “Jwale, bana, le hopole, hore, jwaloka Baheberu, re dumela baporofeta ba Modimo ba netefaditsweng.”

Jwale mamedisang. Le se e fose. Mme a re, “Mohla Messia a tlang, le tla Mo tseba, hoba E tla ba Moporofeta-Messia. Jwale, ba boletse hore e se e le dilemo tse makgolo a mane. Ha re eso fumane moporofeta ha e sa le Malakia, empa o tla ba teng!”

¹²⁸ Ka tsatsi le leng, ka mora lefu la hae, dilemong tse mmalwa, mora wa hae Andreathe o ne a itsamaela a theosa ka lebopo. Mme a utlwa monna ya hlahya tswang felleng, a re, “Messia eo o eme hara lona jwale!” Ntsuhadi eo e phahameng felleng mme ya fofela mono, ya re, “Messia o hara lona hona jwale. Ha re eso Mo tsebe, empa O eme hara lona. Ke tla Mo tseba, hoba ke tla bona pontsho tswang Lehodimong.”

Ka tsatsi le leng a re, “Ke yane, bonang, ke Konyana ya Modimo e tlosang sebe sa lefatshe!”

Ho tlaha ho sena... monna enwa, ho fumana moena wa hae. A re, “Simone, ke batla o tle kwano; re se re fumane Messia.”

“Oh, tsam’o wela kwana, Andreathe! O tseba hantle ho feta moo!”

“Oh, kea tseba. Empa, eo, Monna enwa o fapane.”

“O kae? O tswa kae?”

“Jesu wa Nazaretha.”

“Motsana oo, o kgopo? Kgele, A ke ke a tswa sebakeng se kgopo, se ditshila se kang seo.”

“Tloo feela mme o bone.”

¹²⁹ Qetellong a mo phehella ho theohela teng tsatsi le leng. Ka baka leo eitse ha a fihla ka pela Messia enwa, Jesu o ne a eme mono, a bua le batho. Eitse ha a atamela ka pela Hae, A re, “Lebitso la hao o Simone, mme o mora Jonase.” Yaba ho fedile. A fumana dinotlololo tsa Mmuso. Hobane’ng? A tseba hore Monna eo o ne a sa mo tsebe. Mme ebe O mo tsebile jwang, le monnamoholo eo wa kgale wa morapedi ya neng a mo rutile tsela ya ho dumela Messia?

¹³⁰ Ho bo ho le monna ya emeng mono, ya bitswang Filipi. Oh, a hla a fudueha ruri! O ne a tseba monna e mong, a na a ntse a bala Bibele le yena. Ke eo a tloseletsa, a dikela ka leralla, mme a mo fumana mono moferong wa hae wa mohlware. A kgumame fatshe, a rapela. Ba nnile ba tshwara dithuto tsa Bibele mmoho, ka baka leo a tswela teng. Mme a re, ka mora hoba a qete ho rapela, a re, “Tloo, o bone Eo re mo fumaneng; Jesu wa Nazaretha, mora wa Josefa. Ke Messia eo re mmatlang.”

Jwale ke utlwa Nathanaele a re, “Jwale, Filipi, ha o a hlakana hlooho, ha ke re?”

¹³¹ “Oh, tjhe. Le ho leka. Jwale e re ke o jwetse. O a tseba, e sa le re bala Bibele mmoho, mme moporofeta o itse Messia e tla ba eng?”

“E tla ba Moporofeta.”

“O sa hopola motshwasi eo wa kgale eo o neng o reka hlapi ho yena, yena ya neng a se na le thuto e lekaneng ho ngola lebitso la hae, ya bitswang Simone?”

“Eya. Uh-huh.”

¹³² “O ile a nyoloha. Mme o a tseba ke eng? Jesu enwa wa Nazaretha a mmolella hore lebitso la hae e ne e le Simone, a fetolela lebitso la hae ho Petrose, e leng ‘lejwana,’ mme a mmolella hore ntatae e ne e le mang.”

“Be,” a re—a re, “Ha ke tsebe. Na ho na le ntho e molemo e ka tswang Nazaretha?”

¹³³ A re, “Re se ke ra bua ka yona feela; tloo feela o bone.” Ke kgopoloo e ntle eo, “Tloo o bone.”

Ka baka leo Filipi ke enwa a tla, a tlisa Nathanaele. Mme yare a sa tsamaya a fihla, Jesu mohlolong a eme, a bua, mohlolong a rapella bakudi moleng wa ho rapella. Mme eitse ha a fihla moo Jesu a neng a le teng, Jesu a qamaka a mo sheba, mme a re, “Bonang Moiseraele wa sebele eo ho seng mano ho yena.”

¹³⁴ Jwale, o ka re, “Be, e ne e le kamoo a apereng kateng.” Oh, tjhe. Batho bohole ba botjhabela ba apara ka ho tshwana. E ka ba Mosiria, kapa e be ntho e nngwe e sele; ditedu, seaparo.

¹³⁵ A re, “Bonang Moiseraele wa sebele eo ho seng mano ho yena,” ka mantswe a mang, “monna ya tshepehang, ya nang le nnete.”

Be, polelo ena ya ka ya katla Nathanaele. Mme a re, “Rabbi,” ke ho re, “moruti.” “Rabbi, O ntsebella kae? Wa tseba jwang hore ke Mojode? Wa tseba jwang hore kea tshepahala, ha ke na thetso?”

¹³⁶ A re, “Pele Filipi a eso o bitse, o sa le tlasa sefate, Ke o bone.” Hhe! Dimaele tse leshome le metso e mehlano hole, naheng e mose wane, letsatsi pele ho moo.

O ile a reng? “Rabbi, O Mora Modimo. O Morena wa Iseraele!”

¹³⁷ Empa ho no ho eme baprista bao mono, ba itshepang, ba tsitsipane, ba re, “Monna enwa ke Belsebule, senohe.”

Jesu a re, “Ke le tshwarela hona.”

¹³⁸ Jwale, le hopole, ha ba ka ba e bua ba hweletsa, ba mpa ba e buile dipelong tsa bona. “Mme A bona mehopolo ya

bona.” Ke hantle. Ke seo Bibebe e se bolelang. Le ka e bitsa ho *bala-mohopolo* ha le batla, empa A—A tseba mehopolo ya bona.

¹³⁹ Mme A re, “Ke le tshwarela hona. Empa ka tsatsi le leng Moya o Halalelang o tla tla mme o etsa yona taba ena,” hoba A tsamaye; “bua lenseswe le le leng kgahlano le Wona, le ke ke tshwarelwa lefatsheng lena kapa lefatsheng le tlang.” Na ho jwalo? [Phutheho e re, “Amen.”—Mong.] Jwale, bao e ne e le Bajode.

Hape tsatsi le leng O ne a hloka ho ya Samaria. Empa pele feela re etsa hono, re fumana mosadi, kapa yona . . .

¹⁴⁰ Monna, eitseha a feta kgorong e bitswang e Lokileng, a fodisitsweng ho yona. Mme Jesu a tseba boemo ba hae, mme a re ho yena, “Nka diphate tsa hao mme o ye hae.” Mme a etsa hoo, mme a ba a hlapohelwa.

Hape re fumana hore, Bajode, ba bang ba bona ba Mo amohela. Ba bang ba e dumela; ba bang ba hana. Hobaneng ba sa e amohela? Ba ne ba sa kgethelwa Bophelo. E ne e se karolo ya bokgethi boo.

¹⁴¹ Jwale hopolang, bao e ne e le baprista le banna ba baholo. Mme Jesu . . . Nahanang ka baithuti bao ba thutamodimo le baprista, monna eo o nong o ke ke wa fumana sekodi bophelong ba bona. Jesu o itse, “Le ba ntata lona diabolosi, mme le etsa mesebetsi ya hae.” Ho re, “Hola le ne le le ba Modimo, le ne le tla dumela ho Nna. Leha le sa dumele ho Nna, dumelang e—le dumele mesebetsi eo Ke e etsang; e paka hore Ke mang.”

¹⁴² Jwale, Bibebe e boletse, ho re, “Jesu e sa le yena maobane, kajeno, le ka ho sa feleng.” Jesu o boletse, “Mesebetsi eo Ke e etsang le ya dumelang ho Nna o tla e etsa.” Ho jwalo? Lemohang, eo e ne e le Melkisedeke wa nnete jwale.

¹⁴³ Jwale lemohang, hape, ho ne ho ena le merabe e meraro feela ya batho.

Le utlwile ha ke re ke mokgetholli. Ke yena. Bakreste bohole ke bakgetholli; e seng mokgetholli wa mmala, empa mokgetholli wa moyo. Lebala la letlalo la motho ha ho moo le amanang teng le yena. Ke ngwana wa Modimo ka Tswalo. Empa Mokreste, Modimo o itse, “Nkgetheleng!” “Tswang ho bona,” le jwalo-jwalo. Ke mokgetholli, wa ditshila, pakeng tsa ho loka le bokgopo.

¹⁴⁴ Empa lemohang, ba ne ba ena le kgethollo mohlang oo, kgethollo ya morabe, bao e ne e le Basamaria.

Mme ho na le merabe e meraro feela ya batho lefatsheng; ha re dumela Bibebe; eo ke, Kama, Sema, le batho ba Jafeta. Bao ke bara ba bararo ba Nohe. Rona bohole re hlahile mono. Ke hantle. Hoo hohle ho re qala morao ho Adama, taba e re

etsang baena bohole. Bibele e itse, “Modimo o bopile ditjhaba tsohle ka madi a le mang.” Bohle re baena, ka mophula wa madi. Motho wa mmala a ka fepela e mosweu madi, kapa ka ho fapanyetsana. Motho e mosweu a ka fepela e—e Lejapané, monna e mosehla, kapa Leindia, motho e mofubedu, leha e ka ba eng, kapa Lejafenaete, leha e le eng feela, o ne a ka mo fepela madi, hoba bohole re madi a le mang. Lebala la letlalo la rona, moo re phetseng teng, ha ho moo le amanang teng le yona.

Empa ha re kgethehile, ke mohla re tswang lefatsheng, jwaloka ha A ntshitse Iseraele Egepetá. Ke mohla re kgethehileng dinthong tsa lefatshe.

¹⁴⁵ Jwale, bao e ne e le Kama, Sema, le batho ba Jafeta. Mme hola re ne re ena le nako ya ho kgutlela morao le masika, le ne le tla bona Maanglo-Saxon, moo a tswang teng. Jwale moo e ne e le Mojode... Mosamaria, yena e be e le halofo ya Mojode le Moditjhaba mmoho, ya nyallaneng le Baditjhaba diketsong tsa Baalame, le Moabe. E ne e le Basamaria. Mme ho ne ho ena le Bajode le Baditjhaba.

Jwale, rona Maanglo-Saxon re ne re sa amane le yona ka letho. Re ne re sa dumele ho Messia wa letho, leha e le letho. Re ne re sa lebella e mong. Re kenyeditswe morao.

Jesu o tlide ho ba Habo ka Sebele, mme ba Habo ka Sebele ha ba ka ba Mo amohela. Mme O itse ho barutuwa ba Hae, “Le se ye ka tsela ya Baditjhaba, le mpe le ye dinkung tsa Iseraele tse lahlahileng.” Mme O ile a ya feela dinkung tsa Iseraele tse lahlahileng. Mme hlokomelang, O Iponahaditse jwaloka Mora motho, ka pela Bajode. Ba E hana.

Jwale, Mosamaria, e leng halofo ya Mojode le Moditjhaba, ba ne ba dumela le bona, mme ba lebeletse Messia.

E seng rona. Re ne re le bahetene, re jere melamu mekokotlong ya rona, re rapela medimo ya bohata; Moditjhaba.

¹⁴⁶ Empa jwale ka tsatsi le leng, Mohalaedi Johanne 4, O ne a loketse ho feta le Samaria, tseleng ya Hae e yang Jeriko. Empa a nyoloha a pota ka la Samaria. Mme yare A sa nyolohela mono, A dula fatshe pela sediba ka ntle ho motse o bitswang Sikare. Mme sediba, ha eba o kile wa fihla mono, ke nqalo e phetheselang jwaloka ena mona. Mme ho na le molatswana wa bohole mono, wa metsi, moo batho bohole ba tswelang teng. Mme mosadi a tla hoseng, ba kgella dinkgo tsa bona tsa metsi, mme ba e behe hlöhong tsa bona, le e nngwe nokeng ka nngwe, mme a tsamaye ka yona a otlolohile kamoo ho ka kgonehang, a sa tsholle phophi; ba qoqa. Ka baka leo, ba ne ba, batho ba ne ba tswela mono.

¹⁴⁷ Ka baka leo mona e ka ba hora ya leshome le motso o mong ya letsatsi. Ka baka leo A roma barutuwa ba Hae motseng, ho reka diya-ka-maleng, dijo. Mme yare ba sa ile...

¹⁴⁸ Ho be ho le mosadi ya setumo-sebe. Re ka mmitsa, kajeno, mosadi wa seraburabu, kapa seotswa. A ena le banna ba bangata haholo. Ka hona yare Jesu a sa dutse mono, mosadi enwa a tswa hora e batlile ho ba ya leshome le motso o mong. Le a bona, o ne a ke ke a tswa le barwetsana ha ba tswa hoseng ho kga metsi a bona a ho hlatswa; a loketse ho ema ho fihlela bohole ba... Ba ne ba sa tswakane jwaloka ha ba etsa jwale. O ne a tshwailwe. Ka hona he, a tswa ho ya kga metsi, ka hona a nka jwang ba kgale, mme a kgwesa dilope nkong, mme a qalella ho e lepeletsa.

A utlwa Motho a re, “Mosadi, Mphe metsi.” Jwale, hopolang, enwa ke Melkisedeke. Enwa ke Jesu, maobane, Mora motho.

¹⁴⁹ Yaba o a qamaka, mme a bona Mojode. Ka hona a re, “Monghadi, ha se tshwanelo ho Mojode ho kopa letho ho Mosamaria. Ke mosadi wa Mosamaria, ka hona O buile o tlohilie tulong tsa Hao. O no o sa lokela ho nkopa ntho e kang eo. Ha re sebetse mmoho.”

¹⁵⁰ A re, “Empa hola o tsebile Ya neng a bua le wena, o ne o tla Nkopa metsi.”

A re, “O tla a kga jwang? Sediba se tebile, mme ha ho letho leo O ka kgang ka lona.”

¹⁵¹ A re, “Metsi ao Ke fanang ka wona ke Metsi a Bophelo, a phallelang Bophelong bo sa Feleng.”

A bua le yena ho fihlela A fumana hore maemo a hae e ne e le afe. Mme yaba ke... Hlokamelang seo A mmoleletseng sona jwale, “Eya lata monna wa hao mme le tle kwano.”

Mme a re, “Ha ke na monna.”

¹⁵² A re, “O boletse teng, hoba o bile le ba bahlano, le eo o dulang le yena ha se wa hao. Ka hona, mona, o buile nnete.”

Hlokamelang phapang pakeng tsa mosadi eo le sehlopha seo sa baprista. A tseba haholo ka Modimo ho feta sehlopha seo sa baprista, se kopane mmoho.

¹⁵³ A re, “Monghadi, kea bona hore O Moporofeta.” A re, “Re hlokile e mong ka dilemo tse makgolo a mane. Jwale, rea tseba Messia o tla tla. Mme mohla Messia a tlang, ke seo A tla se etsa.” E ne e le pontsho ya Messia eo, hoba E ne e le Mora motho. Ho re, “Ke seo A tla se etsa mohla A tlang. O tshwanetse o be o le Moporofeta wa Hae.”

¹⁵⁴ A re, “Ke Yena.” Ho ne ho se motho ya ka buang hoo.

¹⁵⁵ A lahla nkgo eo ya metsi mme a matha a kena motseng, le ho re, “Tloong, le bone Monna Ya mpoleletseng tseo ke di entseng. Na ha se yena Messia?”

Jwale le hopole, O tshepisitse ho etsa yona ntho eo pheletsong ya morabe wa Moditjhaba.

Bajode ba bile le dilemo tse dikete di nne ho shebella Messia eo, thuto ya dilemo tse dikete tse nne hore O ne a tla tla, le seo A neng a tla se etsa mohla A fihlang mono, mme ba sitilwe ho Mmona, kapa ba sitwa ho e elellwa. Mme yare ha A Itsebahatsa ho latela tsona dipolelo tsa Bibele tseo A itseng O tla di etsa, hoba E be theofani mme a nto etswa nama le ho aha hara bona, ba sitilwe ho e bona, mme mesebetsi ya Hae ba e bitsa mesebetsi ya diabolosi.

¹⁵⁶ Jwale re bile le dilemo tse dikete tse pedi tsa thuto, ho theoha jwalo hara kereke ya Roma e Katolike, ka mora baapostola. Yaba re feta hara Roma e Katolike, ya Gerike, le tse jwalo, ho theohela jwalo mongwaheng wa Luthere, le Wesele, le eng hape, ho theoha ka mekgatlo e makgolo a robong e fapaneng. Ba fumane thuto ya mengwaha ena yohle.

Jwale O tshepisitse, pejana nako ya qetelo e fihla, hore ponahalo ya Sodoma le Gomora e tla iphetha hape, “Jwaloka matsatsing a Sodoma, ho tla ba jwalo ho tleng ha nako ya qetelo, Mora motho o tla Itshenola hape.” [Sekgeo lebanteng—Mong.]

“Ho se ho se ho kae mme lefatshe ha le sa tla Mpona; empa lona le tla Mpona, hoba Ke,” leemedi la motho, “Ke tla ba le lona, le ka ho lona, ho fihla pheletsong, qetellong ya lefatshe. Ke tla ba le lona.” E sa le yena maobane, kajeno, le ka ho sa feleng. Le a bona?

¹⁵⁷ Le a bona, *Mosamaria* e ne e le, hantle-ntle, ho tsва therong ya ka ya phirimana e fetileng, e ne e le Agare, le a bona, mofuta o kgopameng. *Mojode* e ne e le Sara, kapa e ne e le Mosara. Empa *Moditjhaba* ke wa Maria, Peo ya Borena, Peo ya Borena ya Abrahama.

¹⁵⁸ Jwale ho tshepisitswe hore matsatsing ana a qetelo, hore, wona Modimo ona, Kreste yena enwa, o tla kgutlela mona hape mme a Itshenole jwaloka Mora motho.

Hobaneng? Esale Yena maobane, kajeno, le ka ho sa feleng. Mme hola A tlohela Bajode bao ba e phema, mme a ba hlahisetsa pontsho eo ya Messia, mme ebe ho fihlwa pheletsong ya thuto ya Baditjhaba mme ebe o ba tlohela ho kena thutabomodimong feela, ekabe eba ha A loka. O lokela ho sebetsa ka ho tshwana, hoba Bibele e boletse, ho leshome tha-... Baheberu 13:8, “Esale Yena.”

Mme O tshepisitse ho Malakia 4, le Mangolong wohle a fapaneng, hore, matsatsing a qetelo, kereke e tla be e dutse hantle feela jwaloka ha e dutse kajeno, le lefatshe le tla be le dutse jwalo.

¹⁵⁹ Shebang lefatshe kajeno. Shebang maemo a Sodoma. Shebang dithothomelo tsa lefatshe dibakeng tse fapaneng, le

dintho tse etsahalang. Shebang kereke le ditshila tseo e leng hara tsona, tsa Babilona. Shebang moromuwa wa yona, Oral Roberts le Billy Graham.

G-r-a-h-a-m, kgetlo la pele re kileng ra fumana moromuwa, ya yang dikerekeng tsohle, eo lebitso la hae le kileng la qetella ka h-a-m, jwalo ka Abraham. A-b-r-a-h-a-m ke dithaku tse supileng. G-r-a-h-a-m ke dithaku tse tsheletseng. O ho kae? Lefatsheng. Tshelela ke palo ya motho. Motho o bopilwe ka letsatsi la botshelela. Empa supa ke palo ya Modimo.

¹⁶⁰ Jwale ba shebeng tlase mane Sodoma. Mme baromuwa ba bona ke bao tlase mono ba bua le bona.

Empa jwale he Peo eo ya borena ya Abrahama e kae? Pontsho ya bona e hokae, eo A e boletseng? “Jwaloka matsatsing a Sodoma,” moo Modimo o theohileng mme wa bonahatswa nameng ya motho, le ho bolela seo Sara a neng a se nahanne ka morao pelong ya hae, ka mora Hae ka tenteng, pontsho ya ho qetela pele lefatshe la Baditjhaba le fediswa ka mollo. Mme Kereke e fumana pontsho ya yona ya ho qetela pele lefatshe lohle le timetswa, mmuso ona wa Baditjhaba o timetswa ka mollo le kgalefo ya Modimo. Le a e dumela? [Phutheho e re, “Amen.”—Mong.]

¹⁶¹ Melkisedeke eo e ne e le nama, a Itshwantshisa ka mmele wa motho; mme yaba hamorao O etswa nama. Mme jwale, bosiusng bona, E sa le yena, maobane, kajeno, le ka ho sa feleng. Le a e dumela? [Phutheho e re, “Amen.”—Mong.]

¹⁶² Melkisedeke enwa ke mang, ke hona, e leng yena maobane, kajeno... “Ya sa kang a ba le ntate, ya sa kang a ba le mme; ha A eso be le qaleho ya ditshiu, ha A eso be le pheletso ya bophelo.” Mme O kopane le Abrahama, mme ke pontsho ya mofuta ofe eo A e entseng? Mohla A ne a entswe nama lekgatheng leo, O boletse hore e tla iphetha hape pejana ho nako ya qetelo. Na le a e dumela? [Phutheho e re, “Amen.”—Mong.] Ke a e dumela. [“Amen.”]

A re rapeleng.

¹⁶³ Modimo o Ratehang, ke dumela Mangolo, hore O itse e ne e le Wena, “maobane, kajeno, le ka ho sa feleng.” Mme ka botshepehi bo bokaalo pelong ya ka, Morena, kea tseba hore ntho e nngwe e mothating wa ho etsahala. Ha ke kgone ho e kgethahanya ka ho tiya. Ke tshaba ho bua ntho efe feela, Morena. Wena o tseba pelo ya mohlanka ba Hao.

¹⁶⁴ Mme ke hakae, ho theosa le mongwaha enereha O romela dintho, batho ba sitwe ho e fumana. Motho o pheheletse ho rorisra Modimo ka seo A se entseng, mme o bolela tse kgolo tseo A tleng ho di etsa, empa o hlokomo loha seo A se etsang. Esale ho le jwalo ho haola le mongwaha. Hobaneng kereke ya

Roma e sitilwe ho bona hore Mohalaledi Patrick e ne e le moporofeta wa Modimo? Hobaneng ba bolaile Joan wa Arc athe e ne e le e—e moporofeta wa mosadi, ba mo tjhesa ba re ke moloi? Ntate, kamehla e fetile. O e patela mahlo a ba masene le ba bohlale. Ha ho makatse ha O itse ho baprista bao, “Le kgabisa mabitla a baporofeta, athe ke lona le ba kentseng mono.” Hoba ba tsamaye, ba bona phoso ya bona. Kamehla ba O hlorisa, Morena, ka sebopinho sefe kapa sefe seo O tlang ka sona.

¹⁶⁵ Kea rapela, bosiusing bona, Modimo, hang hape feela. Hosasane re hlophiseditswe ho ba...ho ya Tucson. Dikarolong tse ding tsa lefatshe, metseng e meng eo re tshwanetseng ho rera ho yona. Empa, Modimo o Ratehang, ho ka ba le baeti mona bosiusing bona ba eso ka...Ba utlwile Mantswe a rerwa, empa ha ba eso Mmone a bonahatswa.

Jwaloka ha ke O kopile tshimolohong. Mohla barutuwa bao, Kleopa le motswalle wa hae, ba tswang Emmause, ba ne ba tsamaya tseleng, mme Wa tswa sehlahleng wa qala wa bua le bona, ka mora tsoho, wa ba rerela. Kgeli, A re, “Dithoto ting, le dieha ho utlwisisa. Na ha le tsebe hoba Kreste o ne a loketse ho utlwa bohloko ba dintho tsena, a nto kena kganyeng ya Hae?” Empa le jwale ha ba ka ba ela taba eo hloko. Ba tsamaile letsatsi lohole le Wena, mme le jwale ha ba ka ba O tseba. Empa bosiusing bo bong...

Bosiu ba fihla, ba O qophella ho kena ka hare. Eitse ha ba kena ka phaposing e nyenyane mme menyako e kwalwa, yaba O etsa ntho e tshwanang le eo O e entseng pele ho thakgiso ya Hao, mme ba elellwa hoba e ne e le Kreste ya tsohileng. Metsotsong e mmalwa keha O kene ka mora digaretene mme o nyametse. Ba matha ka potlako ho tsebisa barutuwa, “Ruri Morena o tsohile!”

¹⁶⁶ Ntate, Modimo, kea dumela hore O sa phela. Kea tseba O a phela. Mme O re paketse hona hangata hakana. Na O ka re etsetsa hona hang hape, Morena? Ha eba re fumane mohau mahlong a Hao, e ke e etsahale hang hape. Ke mohlanka wa Hao; ke bahlanka ba Hao bana ba ka mona. Morena, tsohle tseo ke di boletseng di ke ke tsa hhalosa... Lentswe le le leng feela le tswang ho Wena le tla feta seo ke se boletseng masiung ana a mahlano, kapa melaetseng e mehlano. Le tla fetisa, lentswe le le leng feela le tswang ho Wena. Ana O ke ke wa bua, Morena, batho ba tle ba tsebe hore ke ba boleletse Nnete? Fana ka sena, Modimo. Ke e kopa Lebitsong la Jesu, taba ena hang hape. Amen.

¹⁶⁷ Jwale, ha ke le tsebe. Ke tseba batho ba mmalwa. Ke tseba moshanyana enwa ya dutseng *mona*. Ke tseba Bill Dauch ya dutseng hantle *mono*. Ke batla ho...Moena Blair ke enwa, Rodney Cox. Ho thata ho bona mono.

Ka letsohong *lena*, hantle hona jwale ha ke bone motho, hantle-ntle, eo ke mo tsebang.

¹⁶⁸ Jwale ke ba bakae ka mona ba ntsebang ke le osele ho lona? Phahamisang matsoho a lona, lona tsebang hore ha ke tsebe letho ka lona, phahamisang matsoho a lona mahlakoreng bobedi.

Ke ba bakae ka mona ba nang le ntho e phoso, kapa ntho eo le tsebang hore ha ke tsebe letho ka yona? Na le ka phahamisa matsoho a lona.

Jwale, ka kakaretso ekaba, kannete-nete ka kakaretso ha se ntho e ka etswang ho tseba letho ka lona. Ho seng jwalo, jwale he, e ka kgona e tswe tshenolong e itseng ya Moya.

Mme ureka ha ke le boleletse masiung ana wohle, le bosiung bona, hore ha A shwa; O teng mona, mme o tshepisitse ho etsa ntho e tshwanang. Le ho tshepisa hore ho tla fihla nako matsatsing a qetelo, ho latela Malakia 4 le ho latela Mohalaledi Luka, hore O tla hlaha hape ka sebopaho sa motho hara batho ba Hae mme a etse dintho tse tshwanang, le ho senola ntho e tshwanang, yona pontsho e tshwanang ya Messia. Ke ba bakae ba tsebang hoo, lona babadi ba Bibele, ba tsebang hore hoo ke Nnete? E reng, “Amen.” [Phutheho e re, “Amen.”—Mong.] E tshwanetse e be e le babadi ba Bibele bohle.

¹⁶⁹ Jwale, kea tseba hore ke ntho e hosele le batho kajeno, empa leha ho le jwalo esale Nnete. Ke ka baka leo ba sa kang ba tseba Jesu wa Nazaretha. Ba ne ba tseba tumelwana tsa bona tsa kereke, empa ba ne ba sa Mo tsebe. Empa O tlile hantle feela kamoo Bibele e boletseng; e se moithuti wa thutabomodimo, e se moprista. O tla jwaloka Moporofeta, mme ba Habo ka Sebele ha ba ka ba Mo amohela.

¹⁷⁰ Jwale, ha Modimo o ka boloka Lentswe la Wona, mme ha nka...ha e ka wela hodima motho eo ke mo tsebang, jwale ke tla—ke tla nka motho e mong o sele. Le a bona, ke batla motho e mong eo ke sa mo tsebeng. Mme ke batla hore le rapele.

¹⁷¹ Jwale, shebang, mosadi e mong o ne a le mahlomoleng tsatsi le leng. A qetile tjhelete ya hae dingakeng; di sa kgone ho mo thusa. Mme a re ka ho yena, “Ha nka ama kobo ya Monna yane, ke tla fola.” Le hopola pale eo? Mme jwale he bohle ba leka ho mo sutumetsa hore a emelle morao, empa a hatella ho fihlela a ama kobo ya Hae, a honyela mme a nto dula fatshe.

¹⁷² Jwale mamelang ka hloko. Mme jwale eitse ha A etsa hono, ha mosadi a etsa hono, Jesu a reteleha mme a re, “Ke amilwe ke mang?”

¹⁷³ Kgele, Petrose moapostola a Mo kgalema. Mohlomong ka polelo e kang, “Morena, o se ke wa bua ntho e kang eo. Batho ba dumela hore ho na le ho phoso ka Wena. Hoba, O se o ba

kopile ho ja nama ya Hao le ho nwa Madi a Hao, ba se ba ntse ba nahana hore ntho e phoso e teng. Mme O re, ‘Ke amilwe ke mang?’ Kgele, letswele lohle le ntse le O ama.”

¹⁷⁴ A re, “E, empa Ke utlwile molemo o tswa ho Nna.” E ne e le kamo ya mofuta o fapaneng eo. Jwale, motho mang le mang o a tseba hore *molemo* ke “matla.” “Ke ile ka fokola; molemo o tswile ho Nna.”

Mme A qamaka kwana hara letshwele ho fihlela A fumane mosajana eo, mme a mmolella ka phallo ya hae ya madi. Mme a ba a utlwa mmeleng wa hae hore phallo eo ya madi e kgaoditse. Na ho jwalo? Mme A re, “Tumelo ya hao e o pholositse.”

Jwale, lentswe la Segerike mono ke *sozo*, le bolelang ruri “pholositse,” nameng kapa moyeng, ho a tshwana. E o “pholositse.” Ke Yena ke—ke Yena ke Mopholosi wa hao.

¹⁷⁵ Jwale, ha e ne e le Yena maobane, mme e le kamoo A sebeditseng kateng, ho paka hore O ne a le hara batho, Messia ya tshepisitsweng; mme e le kamoo A Itsebahaditseng kateng, le tshepiso ka Bibebe, O tla etsa ntho e tshwanang kajeno; na A ke ke, na A ke ke a tlameha ho etsa ntho e tshwanang?

¹⁷⁶ O ka re, “Na O buile ka ho fodisa bakudi?” Eya!

Baheberu, Bibebe eo ke sa tswa bala ho yona, e boletse ho re, “Jesu Kreste jwale ke Moprista wa rona e Moholo ya ka angwang ke maikutlo a rona.” Ke ba bakae ba tsebang hoo e le nnete? [Phutheho e re, “Amen.”—Mong.] Bibebe e itsalo. “Ke Moprista e Moholo jwale ya ka angwang ke maikutlo a rona.” Jwale efela ha E le Moprista e Moholo eo E beng e le yena mohlang oo? O be a tla itshwara jwang jwale? O ne a tla lokela ho itshwara seka A entse mohlang oo, haeba E le yena Moprista e Moholo eo. Jwale, le ka nna . . .

Jwale nna ha ke Moprista wa hao e Moholo. O ka nna wa nkama, mme e tla ka o amme monna wa hao, kapa moena wa hao, kapa eng feela, motho.

¹⁷⁷ Empa e re tumelo ya hao e Mo ame, mme o shebe se tla etsahala. Jwale, haeba ke le mohlanka wa Modimo mme ke le boleletse Nnete, Modimo o tla netefatsa hoo e le Nnete. Mme hoo ho tla kgodissa hore Jesu Kreste o a phela phirimaneng ena, oeme mona. Na ho lokile? [Phutheho e re, “Amen.”—Mong.]

Jwale, le be le tumelo, ka lehlakoreng le le leng feela ka nako, ka lehlakoreng le le leng. Le be le tumelo ka ntle mono. Ke mpe ke eme maekeng mona, hoba ha ba kgone ho nkutlwaa.

¹⁷⁸ Motho a mpe a lelale ho Modimo, mme a re, “Modimo, monna eo ha a ntsebe. Ha a tsebe letho ka nna. Ke molata ho yena ka ho phethahala. Empa tumelo ya ka e ke e ame Wena, Morena. Mme o tseba taba e phoso ka nna, Morena. O tseba tsohle ka nna. O a ntseba hore ke mang, jwaloka ha O tsebile

Petrose hoba e ne e le mang, jwaloka ha O tsebile Nathanaele, jwaloka ha O tsebile se neng se le phoso ka mosadi ya nang le phallo ya madi. Mme monna enwa o mpolella hore ‘esale Wena maobane, kajeno, le ka ho sa feleng.’ Jwale he, Morena, tumelo yaka e ke e O ame.”

Mme ha A ka etsa hoo, mme a Ipaka ka ho se tlaile mona, ba bakae ba lona ba tla Mo dumela ka pelo ya lona yohle; ha A ka e etsa hang bonnyane, kapa habedi, bathong ba bararo, e le—e le bopaki? [Phutheho e re, “Amen.”—Mong.] Modimo o le hlohonolofatse.

¹⁷⁹ Jwale, Ntate Modimo, taba ena e hole le matsoho a motho ka botlalo. E tla lokela ho ba mohlolo o fetang tsa tlhaho. Ka hona ke rapella hore O tle o nthuse jwale, Morena. Ke matsohong a Hao. Sebetsa ka nna ho latela kgahleho ya Hao. Lebitsong la Jesu. Amen.

¹⁸⁰ Jwale, le se ke la tshoha. E reng feela ka boikokobetso, ka tshabo, “Morena, ke tla O sebeletsa. Mme etlaba nnete, hore, ha nka ama kobo ya Hao, jwale O arabele ka monna eo. Hoo ho tla nkgodisa hore seo O se boletseng ke Nnete.” Ho nepahetse?

¹⁸¹ Ke ba bakae ba kileng ba bona setshwantsho sa Lesedi leo? Se tletse hohle naheng, hohle. Mahlale a se nkile mme a se hlahloba, le hohle. Jwale, O teng mona hona jwale; Yena ya buileng ka *Lenyalo Le Hlalo*, Yena ya neng a le hodima thaba, a sisinya maralla morao mono, Yena ya leng tlase mona nokeng ka ‘33, esale yena maobane, kajeno, le ka ho sa feleng. E sa le Yena.

¹⁸² Jwale, mosadi ke yane, mme o a ellwa hore ntho e nngwe e etsahetse jwale. Lesedi leo le lopaletse hodima hae hantle. O dutse hantle *mona*, o apere swetera e tala, kapa ntho e nngwe. Ha ke tsebe mosadi eo. Ke kgolwa ha re sa tsebane. Hoo ke nnete. Na o a dumela hore Modimo . . . O—o hloka ntho e nngwe, mme o a dumela Modimo a ka ntshenolela bothata ba hao ke bofe? Mme ha A etsa, o tle o tsebe hore e tla lokela ho ba matla a fetang tsa tlholeho, hoba ha ke o tsebe. Mme e tla lokela ho tla ka tse fetang tsa tlholeho.

Ho itshetlehile feela hore o nahana ke eng. O ka ema le baprista, wa e bitsa “diabolosi,” kapa wa ema le modumedi mme wa e bitsa “Modimo.” Sefe feela seo o se dumelang, moputso wa hao o tla tswa teng.

¹⁸³ Ha Modimo a ka ntshenolela bothata ba hao, o tla Mo amohela jwalo ka—ka pheko ya hao bothateng boo? Ha ke tsebe hore bothata ke bofe. Empa ke a tseba, mme le wena o a tseba, hore ho na le ntho etsahalang.

¹⁸⁴ Jwale, jwale ere ke o bolelle kamoo o ikutlwang kateng, mme jwale o tla tseba; maikutlo a mofuthu, a mosa, a kgathollang. Ke Le shebile hantle. Ke Lesedi leo, Lesedi le lesehla le lopaletseng le tswa ho mosadi eo.

Mme mofumahadi o tshwenngwa ke bothata ka maleng a hae. Ntho e kang dihlahala, jwalo, ka maleng a hae. Ha a tswe mona. [Kgaitsemi o re, “Nnete.”] Tjhe. O tswa hole le mona ha ke re? Ke nnete. O tswa Wisconsin. Na ke nnete? Ehlide. Jwale o fodile. Tumelo ya hao e o phekotse.

¹⁸⁵ Jwale mpolelleng hore mosadi o amme Mang? Ke dijaretse tse mashome a mabedi le metso e mehlano hole le yena. O amme Jesu Kreste, Moprista e Moholo. Le dumela seo? [Phutheho e re, “Amen.”—Mong.]

¹⁸⁶ Ke shebile mosadi eo ke buileng le yena. Mosadi enwa, ke mo shebile hantle, hoba o rapella monna ka matla a maholo. O mpoleletse hore o na le monna... Ha a mpolella letho ka yona.

Empa lebitso la hae ke Mof. Waldrop. O tswa Phoenix. O ile a tsoswa bafung, mme ngaka ya hae ya tla ka dieks-reyi mme ya supa mofetshe pelong ya hae. A shwa moleng wa ho rapellwa. E se e le nako e kae hoo ho etsahetse, Mof. Waldrop? Dilemo tse leshome le metso e robedi tse fetileng, mme ke eo moo a dutseng bosiung bona, bopaki bo phelang. Ngaka ya hae e ile ya tla tshebeletsong, ya tlisa di... Ya re, “Mosadi eo a ka phela jwang?” Empa ke eo moo a leng teng, mme ha ho letshwao la oona.

¹⁸⁷ O tlisitse motho e mong, mme o a mo rapella. Jwale, o a shwa, ke daebetese. Jwale, erekaha ke tsebile. Empa erekaha o ntse o rapela... O a tseba hobane ha ke mo tsebe hore ke mang, Mof. Waldrop.

¹⁸⁸ O tswa Missouri, mme lebitso la hae ke Mongh. Cooper. Ke nnete. Jwale, o dumele, o ka ya hae mme wa fola, monghadi. Ho ho wena, hore o tla e dumela na.

¹⁸⁹ Mosadi ke enwa, mme o tshwenngwa ke maemo a asma, mathata. Ha a tswe mona. O dutse mono hara letshwele, hantle ka ntle *mono*. Kea tshepa o fumana... Ha a tswe mona. O tswa Georgia. Mofn. McKenny. O dumela ka pelo ya hao yohle, mme o dumela hore Modimo o tla o phekola? Ema ka maoto a hao, ha o le molata ho nna mme hoo e le nnete. Jesu Kreste o a o fodisa. O a dumela?

[Moena Branham o furaletse phutheho—Mong.]

¹⁹⁰ Ka mora ka, monna o teng ya dutseng ka mora ka. O ntse a hokana le Modimo. Mme seo a se batlang; o na le lesea le tshwerweng ke pelo. Mme lesea leo le na le pelo e tsetselang, kamoo ngaka e bolelang kateng. Mme lebitso la monna eo ke Mongh. Cox. Ema, Mongh. Cox. “Mme A bolella Sara seo a neng a se nahanne, ka mora Hae.”

[Moena Branham o tswela pele ho furalla phutheho—Mong.]

¹⁹¹ Hantle ka nnqane moleng wa ditulo ho tloha ho yena, moraonyana, ho na le monna ya sa tsweng mona, empa New Mexico. Ha ke eso mmone, bophelong ba ka. Ke mo shebile

hantle hona jwale, mme o ka mora ka. O tswa New Mexico. Mme monna eo o na le ngwanana eo a mo thahasellang, mme ngwanana o na le ntho e phoso ka molomo wa hae. Ke... Mahalapa a ka lehanong la hae ke yona ntho e phoso. Mme lebitso la monna ke Mongh. West. Na o ka ema, monghadi. Ke molata ka botlalo ho yena, empa Morena Modimo o tla fodisa ngwana wa hae.

¹⁹² Le dumela jwale ka pelo tsa lona tsohle? [Phutheho e re, "Amen."—Mong.] Ke ba bakae ba lona jwale ba dumelang ka pelo tsohle tsa bona? ["Amen."] Jwale, na Jesu Kreste ha se yena maobane, kajeno, le ka ho sa feleng? ["Amen."] Na le mo amohela e le Mopholosi wa lona? Phahamisa letsoho la hao. ["Amen."] Le dumela ho Yena e le Mopholosi wa lona? ["Amen."]

¹⁹³ Mona, motho ke enwa o dutse mona, o holofetse kapa ho hong, o robetse hodima moalo.

Na o ka nkutlwaa ka maeke oo? [Moena Branham o nka maeke mme o tsamaela nqa dintshi tsa kalana mme o buisana le mosadi hodima moalo—Mong.] Ha ke o tsebe. O mosadi ya robetseng mono feela. Hola nka o fodisa, ke ne ke tla e etsa. Nke ke ka o fodisa.

[Monna e mong o qalella ho bokolla—Mong.] Ke hantle. E mpa e le monna ya nyakaletseng feela. Ngwana hae o fodisitswe.

Ha ke o tsebe. O mosadi, mme ke monna. Lena ke kgetlo la pele re kileng ra kopana bophelong, ke a kgolwa. Batho bana...?...ba o tlisitseng. Ebile, ke kgetlo la hao la pele mona; ba sa tswa o kenya ka hare. O tswa hole haholo. O sirilwe ho isa lefung. O na le mofetshe. Ha se boritsa. Ke mofetshe. Dingaka ha di sa kgona ho o etsetsa letho. Ke nnete. Mme ruri o tlamehile ho shwa; dingaka tseo di ke ke tsa o etsetsa letho.

¹⁹⁴ Ka tsatsi le leng balepera ba bararo ba ne ba dutse kgorong ya Samaria. Mme balepera bao ba re, "Re duletseng mona ho fihlela re shwa?" Ka baka la, bolwetse bohole, ho bolawa ke tlala, ba ja e mong ngwana wa e mong. Ba re, "Ha re ka kena diahelong tsa dira, Baasiria; ha ba ka re bolaya, re ntse re tla shwa, le hona. Mme ha ba ka re pholosa, re tla phela." Mme yaba ba nka monyetla oo. Mme, ka tumelo, ha ba ka ba ipholosa bobona ba nnotshi empa sehlopha sohle.

¹⁹⁵ Jwale, o tla shwa ha o ka robala mono. Empa ha o koptjwe ho ya diahelong tseo ba ileng ho tsona. Empa o memelwa tlung ya Ntate,...?...

¹⁹⁶ O bolawa ke mofetshe. Ka ntle ho Modimo o ke ke wa phela. Ha o tswe motseng ona. Ha o tswe tikolohong ena. O tswa hole haholo. O tswa Milwaukee. Ke nnete. Ke hantle. Ke bone motse oo. Ke a o tseba. Ke hantle.

O a dumela? Na o tla amohela Modimo jwaloka mofodisi wa hao? Ha o fela o tla etsa jwalo, ho sa tsottelehe hore o tsherema hakae, o tlameletswe betheng hakae, ke a dumela, hore bothateng ba hao, ke ne ke tla ema ka Lebitso la Jesu Kreste. Mme nka diphate tseo o ye hae, mme o phele tlotsisong ya Modimo. Na o ka nkutlwa, jwaloka moporofeta wa Modimo? Ka hona tsoha mme o tsamaye, mme o fole. Fola! O se ke wa tshaba. Tswa diphateng tseo; Modimo o tla o fodisa. O a bona?

¹⁹⁷ Motho e mong a ke a mo tshware a tle a kgone ho ema mme a natlafale. O dumela Modimo? E reng a fumane matlanyana; o tla itokela. Ke moo, kgaitsemi. Ke eo he, ka Lebitso la Morena Jesu! [Phutheho e a nyakalla kaha kgaitsemi a eme jwale.]

Ha re emeng mme re ise thoriso ho Modimo. Esale yena maobane, kajeno, le ka ho sa feleng! [Phutheho e nyakalla haholo mme e a rorisa Modimo—Mong.]

E yang, mme Morena Jesu Kreste a le hlohonolofatse. [Phutheho e ntse e nyakalla haholo mme e ho rorisa Modimo—Mong.]



MELKISEDEKE ENWA KE MANG? SST65-0221E

(Who Is This Melchisedec?)

Molaetsa wona, ka Moena William Marrion Branham, o rerilwe sethatong ka Senyesemane Sontaha mantsiboya, Hlakola 21, 1965, oditoriamong ya Sekolo Phahameng sa Parkview Jounior mane Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org